

清初史料四种



寶日堂初集卷之二十五

游初史料
四種之三

華亭張鼐世調甫纂輯

遼夷略敘言

改革非與廷市

余自庚申十一月歸途撰次遼夷略記其種落住牧及市賞諸處蓋得之周中丞毓陽全遼圖底本中頗詳而核今者遼瀋新陷朝議紛紛無定畫甚有欲棄河西而守山海者夫河西棄而山海安能守此不待智者知之也竊私嘆國家纔失一隅之地動輒四顧張皇便思縮地自固別無他策此其病在我先自弱視奴太强我先失中國之勢而遂視奴爲不可制之敵國不知奴於衆夷中不過彈丸之一種耳操縱而顛倒之線索原在我中國之手晁家令云以蠻夷攻蠻夷中國之長技也請就遼夷略中考論之夫從來夷無定主犬羊相噬投骨於地狷然而爭虎墩兔愁爲西虜帝然累歲思邀我貢市王爵如俺答故事而不得抱恨終身豈肯坐視奴帝遼陽斷其市貢之利乎且以寧前而論之其革蘭泰之一種凡八枝共四十酋而領市賞則高臺興水縣二堡也以廣寧錦義而論之其土蠻愁一種凡九枝共三十酋而領市賞則鎮遠關也其黠塔必一種凡十枝共四十酋而領市賞則鎮遠關與大福堡也其

大委正一種凡三枝而領市賞亦鎮遠關也其克石炭一種凡三枝共九酋而領市賞亦鎮遠關也其鬼麻一種凡五枝小歹青一枝市賞則大康堡額參委正一枝市賞亦鎮遠關耿歹青青歹青石保赤丑庫兒三枝市賞亦大康堡也其五路台吉一種凡七枝共十八酋而領市賞亦鎮遠關也其把伴一種入於泰寧凡二枝共十六酋而領市賞亦鎮遠關也泰寧諸夷虎喇赤一種五枝長男速把亥一枝凡二十二酋直廣寧海州西平東勝東昌等堡而領市賞則鎮遠關也其次男抄花一種凡九枝共三十餘酋而領市賞鎮遠關也至萬曆四十二年遼陽長安堡新開木市而西自廣寧東至遼陽境外遊牧絡繹是虜亦以木市爲命矣至於虎喇第四男伯要兒一種凡五枝共六十餘酋對遼瀋開鐵正北而市賞俱在新安關今沒於奴則伯要兒部下六十餘酋之市賞絕矣惟福餘夷弱而久不入市海西南北關夷爲奴所併而不開市則今日每年數十萬兩市賞固諸酋所戀戀而不能捨者也諸酋利吾市賞便我市易我之布帛鍋口等物皆彼夷日用所需而彼馬牛氈革非與我市則無所售然則遼陽一帶寔西虜所資以爲生料西虜亦決不利我失遼陽而今奴得之也今伯要兒已無市賞之利而思逐奴矣抄花亦且爲我守黃泥窪以拒奴矣誰

謂西虜肯令奴得土地而已失市賞哉挑之使鬪亦彼各自爲其私情所必至也今日惟有此一着可使夷動而我靜夷勞而我逸我修備修守而徐乘其敝寬民力定人心以爲恢復之計若夫海蓋諸逃民在海島中者皆我百姓決宜安插各島中設官以統之令山東爲之接濟使安插共守以相機會爲復海蓋之後圖移咨朝鮮整兵以擾其東境而通貢道又見奸細藏于兵部提堂中恐此輩埋伏伺隙者不少託何神叢意將何爲危哉危哉當事者不得瞶瞶如夢余是以刻遼夷略而僭題數言以告寔心爲國者採而行之若夫捐廣寧與虜而守山海者亡國危君父之言也思之心悸股慄更有言所難盡者先見早防是在赤心大老刻刻留意如對大敵可耳近見中州藩臬諸臣棄官而逃則又惴惴寒心細思今日之勢苟非徵九廟神靈呵護社稷誰復有拋命擔當擁衛我聖人者暗想真堪痛哭何暇寇在門而室中日諄詬也時天啟改元辛酉孟夏日題于讀書舫中

遼夷略

寧遠前屯諸處踞塞外者曰朶顏其酋曰革蘭泰八子自長子影克而下二曰董狐狸三曰獐兔四曰都令滿都不賴五曰兀魯斯漢六曰猛首大七曰鵝毛兔八曰阿

只孛羅影克頗忠實能約束其部夷先是兀魯斯漢長禿爲邊患影克對漢使言願漢關吏伺其索賞關下幸速除之無敢怨其後土蠻首難影克爲其耳目竟被兵死生三子長曰貴英又名長昂即專難屢犯屢撫不能如影克之世矣生長子伯洪大次子徠輦大伯洪大物故而五子存曰哈喇木什曰耳周什曰文布刺麻曰速卜得曰遠曰徠輦大存而有長子胡喇亥次子刀兒吉計七枝而擁兵約五千影克之次子曰耿奴故而有子曰蟒金他不能曰孛只他不能兩枝之兵約二千影克之三子曰杜龍一枝之兵約一千蓋影克一派凡十枝而控弦之騎不下八千人也董狐狸連結族黨數入寇旋即頭乞哀就撫賞矣而反覆如初有九子長曰伯言莫賴一名伯彥孛來入寇死關下次曰把來氣曰把來都曰蟒固大曰以巴兒曰以那赤曰把塔兒曰明暗那木曰老思計董狐狸之派九枝而約兵二千餘騎不能當影克之子孫四分之一也獐兔一名長禿數犯邊後邊人生致之以長昂叩關求贖免然旋盟旋背矣當是時中國悔不用阿兄影克言先殺之爲快獐兔二子曰打木曰打火而兵亦千餘則又孫于董狐狸諸子矣都令滿都不賴三子長曰兀魯伯戶故而有三子曰阿哈賽曰阿只布而擁騎約二千次曰兀魯孩斯故而有四子曰伯言兀曰伯

戶曰伯亥曰伯托約兵二千餘三男曰老撒擁騎亦千餘滿都不賴凡八枝而騎卒亦千餘人矣兀魯斯漢初依兄影克受漢撫賞然後背恩入前屯爲患故而長子曰士只他不能次子曰孛收凡二枝而約兵千餘則又孫于獐兔二子也猛首大故而有三子曰哈木戶曰那木賴曰那木賽鵝毛兔之子曰板大兒曰阿主戶而五枝之兵數未考想不似諸派之強也阿只孛羅之子曰伯牙兒曰伯言大而兵約五百餘騎豈長子先出者強而諸子後起者弱耶然總是一部去寧前中後左右塞四五百里其撫賞也由高臺興水縣二堡焉故事三衛世受冠帶稱臣歲入貢加賞賚作我藩籬爲塞外耳目如傳報有驗爲邊吏得首功者擬遷秩視漢吏矣然自長昂董狐狸反覆以來大率西就賞而東寇掠勢聚則大入塞勢孤則假傳報以邀賞要挾無厭而國門外寇如雲矣余出塞問近日遼中虜情土人曰夷性狡而實利我賞昔年大入遼歲苦之然每入亦輒不利去今以戀市賞漸寧息矣而時小入爲寇偷我兵捕而殺之則以爲殺屬夷及邊將責問而彼此相推避不肯吐寔此其所爲叛服靡常者又其因東事而擁衆挾賞時有之則在

朝廷威信道將權略能駕馭耳然總不出一撫賞羈縻也余過前屯有竇副將軍承

武者通敏有機變人也其撫屬夷坐之堂下好飲食之諭以効款護邊受上犒不然且誅殺諸夷脫帽稽顙唯唯其曰夷人重信我先之以信便可保他無變更只如許之牛斷不易之以羊許之以賞斷不少更易若絕其賞予斷不輕與之而大抵褒獎與進之意居多又時示之以不測玩之如掌上雖令其不仰飲食于我不可得此撫夷之道也余聽其言乃知忠信可行蠻貊非浪語耳彼弁流解此意便堪作上將矣自寧前而東我邊地漸廣則廣寧錦義諸堡矣踞塞外者皆朵顏諸部也其酋曰土蠻愁號老王子九子自長男扯臣愁而下曰委正黃台吉曰額參台吉曰鎖迷台吉曰歹青台吉曰琵琶台吉曰莽官兒大台吉曰卜言大台吉曰桑阿兒寨台吉今諸酋皆虎墩兔愁約束之牧地直廣寧去寨十餘里而市賞皆廣寧鎮遠關扯臣愁之長男曰莽骨速台吉即虎墩兔愁之父也二子一爲愁約束諸部而次曰抄兔黃台吉兄弟約兵三萬餘騎矣次男曰毛起炭存而有一子曰脫脫亥其騎亦有五千此莽骨速之派爲獨盛而制諸部也虜中稱愁如稱帝委正故二子長伯言次伯言大而約兵三千餘額參台吉故僅一子曰召克太絕矣鎖迷之子長麥力根次哈大亦擁騎二千餘歹青之子二曰孛賴曰黃台吉俱在而孛賴二子長扯扯台吉次張台

吉黃台吉一子曰噶兒罵台吉亦擁兵約二千餘騎也琵琶之子曰克什兔曰阿敗約兵千騎耳其莽官兒尙存而有子曰伯言兔亦約兵千餘騎卜言太存有三子長色令次拱赤三把兔兒而兵數亦與琵琶同桑阿兒寨存生子四曰扯扯阿敗曰王兒寨曰拱革曰班台擁騎三千餘而視莽官琵琶卜言太三部差雄矣計土蠻之派凡二十一枝俱帝虎墩兔愁愁兵不下三萬而合諸酋兵又幾二萬是以爲土蠻之種強也

按土蠻故胡元裔其父曰打來孫土蠻崛起自負爲俺答君長而俺答先入貢封王爵意獨戀戀挾之以兵二十年恐喝塞上竟不可得老而厭兵死矣猶缺缺曰他豈不漢子而我老婆乎以故諸子分部驚然起大率爲挾封貢也然而俺答子孫至今長王胡中則亦護邊之明効矣直廣寧西北而牧離邊約七百餘里市賞亦由鎮遠關者其酋曰璽塔必故而生十子曰腦毛大黃台吉曰以兒鄧曰扯臣台吉曰青把都兒曰速克赤把兔兒曰卜言兔思扯赤台吉曰額兒得你丑庫兒曰阿民台吉其第十子曰拱兔者對錦州西北邊五百里而牧其市賞在錦州大福堡焉腦毛大始爲薊門撫夷後以寇遼故挾市廣寧關下遼人竟弗許腦毛大之長男曰桑阿兒次

曰縮開而控弦之騎幾七八千以兒鄧故而三子曰麥力根歹青曰宰桑台吉曰桑阿兒寨而控弦之騎五千扯臣之子曰卜言歹兒曰赤勞亥曰大成台吉曰色令而控弦之騎三千若青把都兒故而三子曰歹青曰滾木曰把刺四氣速克赤把兔故而三子曰把兔兒阿敗曰宰桑曰石計兔卜言兔故而四子曰耿耿台吉曰隱克曰門克曰果木三部各擁騎二千其必扯赤故生三子曰花台吉曰汪台吉曰滾度參千騎耳而額兒得你丑庫兒亦三子曰汪台吉刺麻台吉曰鎖開安兒其阿民台吉在止一子曰班舊兒二部約騎兵各二千餘獨拱兔一枝近錦州邊者五子長以兒度赤次刺八四氣三色令四果木五刺麻而約兵五千也蓋鑿塔必十枝凡三十二派而腦毛大拱兔爲強

離廣寧西北邊八百餘里而牧從鎮遠關市賞者有大委正一枝大委正爲打來孫第四子嘗佐土蠻挾我封貢而邊吏弗予大委正故而長男阿惠以入犯右屯中神鎗死城下次男昂惠台吉三男墨力台吉其兵騎無考然大約今爲孱虜不似大委正時矣

離義州正北邊千餘里住牧而市賞仍由鎮遠關則有克石炭一枝克炭爲孛只第

五子數爲寧前患而挾封貢生三子長男扯臣黃台吉次男捨刺台吉三男討討敗台吉三子各有二男蓋六派也扯臣生長子扯扯箇次男章兔兒捨刺生長子郎索次子脫力打刺漢討討敗生長子姑什次子木素而三部擁兵騎約七八千按先朝土蠻諸夷部屢犯挾賞而當事大臣決策堅弗予誠欲藉遼虜以懼西北虜且使我遼陽卒習兵也前輩謀國慮遠矣至於今何遼人之不習兵而設防奔走無慮日哉鬼麻之枝有五其派十有四直義州大康等堡四百里而牧從大康領市賞者長男都令小歹青也直義州西北邊五百里而牧從鎮遠入市賞者次男額參委正也額參即乃蠻直戚家路大定大茂等堡四百里而牧仍從大康領市賞者三男昂輦台吉四男青歹青五男石保赤丑庫兒也鬼麻故而五男獨石保赤丑庫在耳都令之子二曰率鬧即打刺漢台吉曰色令台吉有騎約五千餘乃蠻七子曰專難即把兔兒曰占太卽莫力根曰滾度參即黃把兔兒曰秒兔台吉曰那木赤台吉曰色台吉曰脫趨台吉有騎亦約五千餘耿耿止一子曰昂輦台吉兵亦僅五百餘青歹青之子三曰千里台吉曰土計台吉曰敖漢台吉兵亦約五六百餘而石保赤止一子曰額參大兒台吉兵亦僅五百餘大約都令乃蠻二派稍強而皆奉約束於虎墩兔愁

也

離廣寧鎮靜鎮邊鎮遠等堡三百餘里而牧其市賞仍由鎮遠者有五路即郎台吉
放生七子曰扯勞亥曰花台吉曰逞台吉曰把敗曰瓜兒兔曰宰賽曰委正而七子
分爲十八派其帶甲控弦者大約滿萬而獨馬少不便鳴鏑而馳也扯勞亥之子四
曰民暗台吉曰討討亥曰鎖懦曰桑阿兒寨花台吉之子二曰莽哈大曰莽官兒大
逞吉兒之子六曰苦賽曰土妹曰苦參得兒曰卜艾曰民艾曰卜言兒把敗之子二
曰那言脫骨曰打來台吉瓜兒兔之子一曰卜言台吉宰賽之子一曰卜言大台吉
委正之子二曰曠兒罵阿大台吉

朶顏衛夷酋有把伴者先年搶至紗花營配紗花妹公吉阿亥爲妻遂依泰寧而居
受其驅使其牧地在廣寧東北離鎮靜鎮安等堡三百餘里而市賞由鎮遠關居久
之把伴死有二男長花大次孛兒敗俱死花大之子四長煖赤次伯言兔三伯言他
不能四伯大孛兒敗之子三長莽金兒次敖毛兔三孩四煖赤存生三子曰伯青兔
曰奴兒木曰色忒兒伯言他不能存生一子曰毛起炭蓋花大四子而分四派也莽
金兒戮矣而敖毛兔孩四俱存敖毛兔四子曰專兔曰莽官兒大曰莽惠曰黃官兒

孩四二子曰色令曰夜不收是爲孛兒敗之派凡六也夫把伴一枝雖屬紗花調度而仍係朶顏夷種其不屬秦寧諸夷明矣故不列於秦寧夷酋中

秦寧衛之夷酋曰虎喇哈赤故矣而生五子曰速把亥曰紗花曰歹青即伯耍兒曰委正曰兀班其直廣寧鎮遠鎮寧鎮武西平海州東昌東勝邊四百餘里而牧由鎮遠市賞者速把亥諸種也虎喇哈赤之先大父魁猛磕嘉靖中嘗入我刺梨山至速把亥益慄忤擾邊上無虛歲後以入寇鎮夷堡爲參將李平胡射死斬其級死時尙披戴盔甲臂手級大如斗也速把亥有三子長卜言兔無子次卜言顧有三子其三男把兔兒有七子焉二枝分爲十派也卜言兔一名伯彥務胡人名多訛音也卜言兔傷父死與其弟把兔兒枕戈飲血而思蹂塞上以相當後塞上禦之歲苦矣而把兔兒以鎮武堡箭傷竟死其死之者董將軍一元也卜言顧三子曰都令即額參台吉曰額木素郎即矮耍世曰古路不四把兔兒之七子長額伯革打黃台吉次曰阿把兔兒三曰榜什台吉四曰色特兒五曰卜兔兒六曰昂阿七曰昂奴而都令之子二長毛起炭次紗四乞額木素之子一曰搜四古路不四之子一曰串木素凡四派皆卜言顧之種額伯革打之子三曰色令曰速木兒曰翔弄阿把兔兒之子一曰色

令榜什之子一曰翔開色特兒之子二曰矮耍世曰把慶卜兔兒之子一曰噶兒罵
昂阿之子二曰阿兒塔什曰那木兒昂奴之子二曰撒鷄曰色利凡十二派皆把兔
兒之種諸夷部約擁騎萬五千而皆受調度於紗花

其直鎮武西平東昌東勝長靜長安長勇平虜諸堡而牧從鎮遠關入市賞者紗花
諸種也自萬曆乙卯遼陽長安堡開木市而廣寧鎮遠以東遼陽以西塞外諸夷落
往來遊牧無禁矣紗花一名炒哈一名抄花隆萬間與妹夫花大爲黨而圖報其兄
速把亥之仇歲苦我邊然亦屢屨受傷幸免捕誅耳而至今紗花諸種爲強紗花生
九子長襖八歹青次曰把敗三曰額參四曰刺八時氣五曰歹安兒六曰端木度七
曰卜塔什利八曰本卜太九曰囊奴九子之派又分爲二十六強矣襖八歹青之子
三曰色令曰骨令曰我兒着兒把敗之子八曰桑阿兒賽曰噶兒罵什曰色令曰勺
葉曰勺失曰閔太曰倒兒計曰昂阿額參之子四曰色令曰夜不收曰伴兔木曰翔
開刺八時氣之子三曰虎必按刺麻曰古路木時氣曰干計世歹安兒之子三曰長
昂阿曰打敗曰把氣端木度之子一曰滿都失利木卜太之子一曰毛起炭囊奴之
子三曰以克昂阿曰把漢昂阿曰額力克昂阿是皆紗花之種也今紗花尙在而計

其諸部落兵蓋萬五千騎焉

直遼瀋平虜正北四百餘里而牧者虎刺赤第三男歹青卽伯耍兒諸子也其牧地名猪兒苦周一帶直瀋陽鐵嶺六百餘里而牧市賞仍入開原新安關者杪花第四男委正諸子也其牧地名岳落一帶直關鐵西北七百餘里而牧仍入新安關市賞者杪花第五男兀班諸子也其地名古路半升戶兒大漢把都樓子然夷性狡矣時款時服寧有常哉伯耍兒故而生五子長子者卜兒亥也生八子曰莽骨兒大曰得固革兒曰哈兒寨曰卜塔習力曰所南曰長連曰莽骨速曰莽骨而共約兵三千餘騎次子者耳只革也故而生四子長曰鎖難次曰卜塔利力三曰鎖寧四曰賴卜哈共約兵千餘騎耳三子者老思也故而生三子長曰卜塔赤有騎千餘次曰歹安兒有騎五百餘三曰伯安兒亦有騎五百餘老思三男總二千騎矣四子者卜兒罕骨也故而生二子曰把拜台州曰火把台州約兵千餘騎五子者額參大也生四子曰鎖迷曰那兔曰那速戶曰撒哈兒而約兵千餘騎計伯耍兒之種凡五枝分二十一派而時爲遼瀋間患苦矣委正故而生四子長以鄧兒次脫卜戶三脫退四小老思以鄧兒故有十子長曰捨刺把敗而有三子曰果兔兒曰把什漢曰刺把什擁兵千

餘也次男哈刺把拜故而有五子曰刺伴曰刺什氣曰什伯兔曰歹青曰桑阿寨而擁兵亦約千餘騎三男粧難生二子曰得勒革兔曰色捧四男粧兔有二子曰阿卜大台吉州曰我速苦利而擁兵各五百餘五男小耳只革生二子曰果木台吉州曰歹安台吉六男伯倍故生一子曰朱身七男果丙兔生一子曰三襖兒而亦約兵四百餘八男火把台州故而生一子曰抄花約兵三百餘九男把秃男亦約兵三百餘十男奴台生一子曰昂革台吉而約兵三百餘委正之次男脫卜戶者故而生二子長孛羅大次打刺漢台州約兵四百餘委正之三男脫退故而生一子曰歹青亦約兵三百餘委正之四男小老思者亦約兵四百餘蓋委正四男而分二十三派矣兀班故而生二子曰莽兔曰伯言兒莽兔之子七曰莽骨大曰比領兔曰伯洪大曰刺把什曰刺巴太曰所宰曰色崩伯言兒以入犯高平被傷死而其子宰賽生三子于萬曆己未秋七月爲奴酋所獲其長男青台州次男瓜兒兔三男海來兔有兵一萬五千騎強矣而不虞奴之乘其後也至今奴質以餌其部落云

福餘衛之夷今弱矣當萬曆丁亥戊子間勾西虜爲開鐵患亦中國一疥癬也乃竟爲西虜所殘弱而避居混同江江離開原邊千餘里其久不赴新安關領市賞積弱

不振之故也先是夷酋生三子長往四兒次撒巾三錦只卜阿往四兒故而有子恍惚太其恍惚太之子曰把刺奈曰卜敖而約兵千餘騎也撒巾故而有子生卜兒炭亦擁兵千騎焉錦只卜阿故而有子主兒者阿故生一子曰土門二約兵三千餘騎夫恍惚太土門二皆曩日引煖兔伯言兒爲邊患者然總其部纔五千非附會西虜烏能狼突而訂塞上哉

海西夷曰北關曰南關北關酋曰祝孔華塔魯木衛都督僉事也故而生二子長曰台出襲祖職次曰捏你哈皆故而台出生二子曰逞加奴仰加奴二子皆狡引西虜爲邊患被剿死而逞加奴有三子其長子卜寨搶建州被殺卜寨之長男則白羊骨襲祖職者也其次男卜兒罕骨在一子牙木台州皆住野黑寨離原鎮北關五十餘里耳以逞仰二酋大創故弭耳受戎索由北關貢市領賞焉且倚我羽翼以抗奴我開原失而北關因陷于奴乃我亦失一外藩而奴更訂也建議者以爲借開原與北關以拒奴然不思逞仰二奴昔日何狀而能保白金之不爲肘腋患耶譚何容易也 按北關仇南關而猛骨李羅遂甘就建夷羅網人皆謂滅南關者建州而不知滅南關者北關也南關滅建州寔強北關于是漸弱相搆未已棄弱隣而來強寇詎

非違仰那卜四酋爲謀之不臧哉然則滅北關者非建州而亦北關之自滅也已
台出之次子仰加奴亦以逆剿殺而生五子長曰那林孛羅故次男金台失領兄兵
生一子得勒革台州仰奴三男曰賽必兔四曰阿力木皆故矣五曰土木兔故生一
子曰拙古六台州而金台失殺之故仰奴之後獨有金台失與白羊谷分爲二寨也
在台住寨伴亦去鎮北關五十里今並沒于奴或云金台失殺其五弟之子而又不
和於叔白羊骨遂各相猜而迄于同滅乃知借開原之說未可爲石畫也

南關之夷酋速黑忒塔山前衛左都督也故而生二子長曰王忠襲祖職次曰克失
音辰王忠故而二子汪古羅汪古六皆故克失音辰之子王台襲職焉生六子長曰
兔兒罕次曰三馬禿三曰往失四曰那木台五曰康古六六曰猛骨孛羅虎兒罕故
一子歹商爲北關所殺三馬禿故子王把太內附爲廣寧指揮改名王盡忠生二子
長王國勳次王元勳往失故生三子長阿敏亦內附爲指揮名王盡安次伯撒爲奴
酋所殺三宰桑內附爲力木山把總陣故那木台子曰召乃康古六子曰古莫台州
皆死于奴而骨猛孛羅襲祖職陞龍虎將軍然與北關構隙爲奴酋計所愚戀內妻
而去其兵柄卒以出死長子吾兒忽奔奴參之爲婿次子克把庫內附廣寧爲王世

忠南關之地遂墟王忠王台皆忠于 本朝其子雖滅於奴而後裔居中國附塞上
襲冠帶者爲多樹其黨類使自成一部落恢復祖宗故地亦中國一藩籬也

奴酋旣誘殺猛酋收其 勅書部落北關寨廢而奴酋獨強於是建州之禍乃烈矣
按奴住牧在寧宮塔紅岩子等寨其通貢由撫順關其部夷從撫順清河髮陽等處
隨便互市自吞併王兀堂誘殺猛骨孛羅而東自鎮江長奠北抵開原威遠凡八百
六十里與邊鄙相逼也其兵不下五萬餘古云女直滿萬勢不可制况今日哉奴之
祖曰佟教場建州衛左都督僉事也生佟他失有二子曰奴兒哈赤速兒哈赤他失
死於亂陣而奴兒陞授龍虎將軍有七子長男曰洪把禿里爲奴殺矣而一子曰阿
古奴之次男曰貴英把禿里三曰忙哈大四曰黃台住五曰把卜太六曰阿卜台七
曰把卜海速兒爲兄奴兒囚殺而二子曰禿龍曰阿哈今皆爲奴兒管兵其養成豕
突之患者以封號 勅書太隆而自後以邊人不設備而好生事故漸激其內犯及
撫順清河之陷勢如破竹而將帥不能協心慎重經略無駕馭紀律遂一敗沒而不
可救至今疲海內而卒難爲力也嗟乎非奴之強中國自弱耳夫趙營平之畫西羌
曰以臣愚計遲之十年今日之事十年果足了奴乎哉

遼夷略

遼夷略跋

右遼夷略一卷明張翥撰按重修華亭縣志翥字世調號侗初萬曆三十二年進士改庶吉士授檢討遷司業天啟時屢遷少詹事陳言十事語斥近習魏忠賢惡之擢南京禮部右侍郎上疏引疾忠賢責以詐疾要名削其籍翥砥礪名節文章通達國體崇禎初起故官協理詹事府旋改吏部右侍郎未上卒諡文節著有寶日堂集清乾隆間入禁書總目是篇由寶日堂集所錄出者也世調以萬曆庚申奉使東行歸途撰次遼夷略記其種落住牧及市賞諸處首敘朵顏泰寧福餘三衛次敘海西南關北關諸夷及建酋部族並記其道里遠近族類多寡條理井然瞭若指掌非身歷其境者不能詳述如斯有明洪武以來於東北邊事防範至嚴於遼東以北設有衛所都司以控制海西諸夷於朵顏泰寧福餘三衛以南設有大寧全寧二衛以作屏蔽自永樂廢全寧大寧二衛大寧內徙於是朵顏三衛雜處內地得與西酋插汗相通未幾卒釀英宗土木之變嗣後東酋日逞明廷卒以不祀說者遂謂東事之不可爲未始非肇因於此然建州及朵顏三衛諸夷本游牧民族遷徙無常建酋之興其民族屢遷後始定居興京昔人亦有文專論其事至朵顏三衛其遷徙之情當亦相

同明史外國傳云自大寧前抵喜峯口近宣府曰朶顏自錦義歷廣寧至遼河曰泰寧自黃泥窪逾瀋陽鐵嶺至開原曰福餘日人箭內互博士謂乃明中葉以後之形勢而非洪武間之三衛之疆域也是書所指朶顏三衛居處之地與明史略同足證箭內氏之說為不謬所記地望守候部族之名尤足以補史事之不足所謂朶顏三衛昔人認為最繁瑣之問題者今有此書可以游刃而解矣得非謂治建州史學者之創獲乎民國二十二年七月七日安陽謝國楨記

爾雅釋名曰朶顏古土名也其地在今遼寧省開原縣境內其地與明史略同足證箭內氏之說為不謬所記地望守候部族之名尤足以補史事之不足所謂朶顏三衛昔人認為最繁瑣之問題者今有此書可以游刃而解矣得非謂治建州史學者之創獲乎民國二十二年七月七日安陽謝國楨記

建州私志上卷

海濱野史初輯

清初史料
四編之四

建州古肅慎地即女直部落也在混同江中東瀕海西接兀良哈南隣朝鮮北至奴兒千其地有長白山橫亘千里高二百里山上有潭周八十里南流爲鴨綠江北爲混同江混同在開原城北千五百里又有松花江在開原東北千里黑龍江在開原西北二千五百里與混同皆南入松花江山川雄偉宜有異人發祥金元偏據不足以當之也元於其地設諸府路領達達及女直人明洪武二十七年女直野人部寇遼東上命宋晟劉眞討之時天下初定聲教未訖至永樂九年遣將駕艦至江上召集諸酋豪餌以官賞於是東旺佟答刺哈王肇州瑣勝哥四酋率衆降始設奴兒干都司以四酋爲都指揮領衛所三百八十二皆令三歲一朝貢官賞羈之又於開原城置馬市通交易稍給鹽米布使保塞各路皆有水陸城站自湯站東抵開原爲建州毛憐海西野人兀者皆有室廬而建州最强建州毛憐本渤海氏遺裔善耕種織紡飲食衣服頗有華風建州尤善治生其左右二衛最無賴大抵東北諸裔建當要害居中與諸夷勢相聯絡爲犄角而五嶺喜昌石門諸隘人騎不能成列彼中恃爲

咽喉永樂間開原降虜楊木答戶者率數百騎奔建州已而建酋李滿住款塞求內
附駐牧蘇子河日強盛漸爲邊患永樂末年邊計漸弛諸酋多叛去者一歲犯邊至
九十七次殺死吏民十餘萬宣德初復招降諸夷遼東守臣請以建州老營地居之
老營者中朝採取人蘆松子地也名東建州酌中志略載國初有舊遼陽地疑卽此自是歲遣使入貢以爲常
正統中也先猖獗附之入塞侵遼東西景泰中老酋多死中朝以七先之亂諸夷乘
亂侵掠於是入貢時宴賞太減以故怨忿思叛成化二年建州人董山入寇遼東三
年命武靖伯趙輔等率兵五萬討之山降送京師放歸廣寧輔曰山不可宥請誅山
九月分兵三道進剿朝鮮亦遣將萬人遏其東歸擒斬山俘獲千人班師先是開原
指揮某受海西人散赤哈珠玉豹皮赤哈上番書兵部移文遼東守臣勸之守臣招
赤哈面折旣又爲開原守將周俊所愚弄赤哈大怒會建州三衛女直欲報山仇藉
海西之勢合兵犯邊大掠鳳集諸堡報至廣寧巡撫陳鉞懇俟寇去始赴遼陽適近
邊虜人也僧格等十八人入貢鉞欲掩罪皆收繫獄捶死也僧格屠其各寨乃以捷
聞夷益恨乃大入寨汪直以往撫可邀功太監懷恩言宜遣大臣同往因命兵侍馬
文升相機撫剿文升至追入貢夷諭以朝廷德意被屠之家各給牛酒布帛慰之直

至虜已解散直怒誣奏文升言曩在鎮不與易農器故屢寇邊文升言所禁者鐵器非農器也不聽文升得罪時鉞附直倖進虛張邊警請出師命朱永爲總兵鉞提督軍務十五年十月建州頭目六十人來貢直誣以窺伺奏請拘之給就鴻臚演禮入門以三校擒一就縛監禁在衛虜出不意壯者逃匿惟餘老弱或殺或繫獻俘陞賞十二月建人以復仇爲詞深入遼陽殺男女皆支解之或碓舂火蒸以雪怨邊將不敢與戰遼地騷然嘉靖二十四年兀良哈糾建人寇遼東自是以後復套議起拖北多事女直諸部一二蠕動終嘉靖之世幸無沸脣隆慶五年中朝從王崇古之議封俺答爲順義王至是始內屬十二月東虜寇遼東李成梁破之於卓山斬首五百八十級大創而去萬曆初張居正在政地總兵李成梁任遼闔內外聲息相通邊臣效命虜入輒大創之諸夷懾服元年成梁築寬奠等六堡其地北界王杲東隣兀堂去驪陽二百里遼撫張學顏按視數十曾環跪願質子所在易鹽布學顏疏請聽市自是開原而南撫順清河驪陽寬奠並市屬海西者王台主之屬建州者兀堂主之頗遵約束自俺答封後其屬吉能亦脩貢因貢爲市交易不絕東自海治西至甘州延袤五千里無烟火近疆屯田墾治如內地歲省糧儲無算初獨已土蠻連把亥援俺

答例請封不許故驕倨恥言修貢事屢年入寇二年十一月復糾建州屬夷寇遼之清河王杲誘殺我裨將裴成祖等督府張學顏與成梁直搗紅力寨斬首一千一百有奇獲牛羊無算是年杲糾虜復入曹窰擊之獲二十八級杲乃走素所善東夷長王台所開原兵備賀濤宣諭台台向忠順遂與其子虎兒罕執杲送境上檻車獻俘詔磔杲加台龍虎將軍二子並進都督僉事當時王台所轄東盡灰扒兀刺等江南盡清河建州北盡遑仰二奴凡數千里內屬保寨甚盛八年建州兀堂犯驪陽寬奠成梁逐之出寨二百里斬首七百五十級兀堂復犯林剛峪副總姚大節復敗之自後兀堂等遁伏建州稍稍弱矣前王台旣誅王杲杲子阿台服之台叔王忠又戮祝孔革革子遑加奴仰加奴亦服台以女妻仰卵翼之後二奴欺台老台子虎兒罕好殘殺二奴遂叛阿台亦怨台之縛其父叛附二奴因盡奪季勒諸寨其仰加奴等十三寨止遺把把大可五寨屬吉餘俱雲翔不受台制南關勢蹙台竟憂死台孽子康古陸與虎兒罕爭鬥遑奴助之罕借兵黃台極黃陽助之而陰收其部夷白虎赤等自益罕亦死二奴因數掠孤山鐵嶺成梁勒兵出寨大破之于曹子峪得一千三十九級十年上念台忠特賜諭祭給綵幣四表裏台居開原東北貢市在廣順關稱南

關二奴居開原北貢市在鎮北關稱北關開原孤懸扼遼肩背東建州西恍惚太二夷嘗謀窺中國而台介東西二夷間扞蔽不得合中朝因聽其襲祖速黑忒右都督加龍虎將軍秩耕牧三十年東陲晏然台死南關勢孤矣十一年王杲子阿台糾虜入瀋陽城南混河成梁馳往虎皮驛阿台往縱掠混河口徐引去成梁乃勒兵從撫順王剛台出塞直搗古勒寨寨在塞外百餘里三面壁立壕塹深固成梁用火攻其中堅經兩晝夜射死阿台別將秦得倚等前破阿海寨誅海海毛憐衛夷與台濟惡亦梟虜也是役得級二千餘時二奴亦值冰堅入掠都御史李松密與成梁計伏兵中固城松坐南樓上先期命叅將宿振武李寧等夾四隅伏遣備禦霍九臬往諭約曰如虜聽撫則張職按甲勿起聞砲聲則鼓行而前至期二奴擁騎三千餘劉鎮北關請賞以三百騎詣圍門頗橫恣目白虎赤劍砍九臬中臂九臬反擊一虜墮馬於是砲發復起前斬二奴及白虎赤等逞奴子兀孫孛羅仰奴子哈兒哈麻俱殲焉得級三百十一成梁聞砲亦至獲級千二百五十二自是海西警服阿台既死其子孫息肩數年而二奴遺孽圖報仇連西虜侵掠部夷及王台孫歹商數入威遠靖安堡挾索貢勅如二奴時矣十五年王台孽子康古陸向叛奔逞加奴至是乘虎兒罕死

來歸妻其父妾溫姐與猛骨孛羅歹商鼎立猛骨溫姐出也猛古以母故亦助康攻
歹商兵備王緘勒兵執溫姐及康已而釋溫姐而猛骨爲北關誘脅從那酋夾攻歹
商自焚其巢規溫往十八寨去巡撫顧養謙奏革孛羅封爵成梁從威遠堡出塞討
叛夷多所殺傷二酋始奪氣倒戈乞哀釋不誅兵備成遜請並釋古陸以存歹商因
釋其罪使和歹商諸酋見釋康而又畏我因重歹商遂諭康曰中國立歹商以王台
囚汝以助北關侵歹商也汝亦台子終不忍殺歹商安危汝實任之康唯唯使刑牲
以盟又進卜寨那林孛羅使者諭之爲均北關勅蓋自永樂來給海西屬夷勅由都
督至百戶凡九百九十九道按勅驗馬入貢兩關酋領之二奴強則北關多王台強
則南關多今無論強弱南關五百北關四百九十九差縮其一存右南關意已而康
酋溫姐相繼死成遜遂令北關之下寨那林南關之猛骨歹商互相結釋恨歹商遂
與建州奴兒哈赤婚哈赤佟姓建州枝部也祖叫場父塔失並從李成梁征阿台死
于陣成梁離畜哈赤哈赤事成梁甚恭顧爲人忍詢多智幼時已有異志及長以祖
父故予指揮職勢埒南關後稍蠶食張海色失諸酋因與歹商爭張海連兵不已至
是約婚罷兵哈赤以婚歹商入貢又以斬叛夷邱五功乞陞賞特進都督僉事遂雄

長諸夷矣嗣後北關卜寨與南關歹商仇終不解而哈赤與那卜二酋構會卜酋殲
歹商中朝謀剿不果而哈赤竟殪卜寨以聞二十三年以保塞功陞龍虎將軍如王
台時二十六年建州進貢中朝賜宴寵勞之二十九年秋哈赤請補雙貢時建州日
益強漸有并海西意而北關那林與南關猛骨方酣于鬥猛骨不支以子女質奴酋
請兵那酋恐布飛語謂猛骨且執部夷以激怒奴酋建人果信其言且心欲收漁人
之利遂執猛骨置寨中盡掠其資尋誣猛奴私事射殺之中朝宣諭則願歸猛骨次
子革把庫及部夷百二十家又願以女妻猛骨長子吾兒忽答于明年三月受室送
歸至期建人于撫順關外刑白馬盟誓撫忽答保寨那酋亦歸原擄勅書六十道請
補雙貢如故事而吾兒忽答名曰撫養仍羈建州寨南關不絕如線北關那林白羊
骨乃約婚西虜宰賽自託建州益旁嚙朝鮮及黑龍江上諸夷三十一年給事宋一
韓奏奴酋漸有可慮遼東稅監高淮志甚輕夷恐邊釁一開其憂方大三十二年春
李成梁議徙寬奠新疆居民入內地並新疆爲甌脫于是將鴉鵲關外鴨綠以西寬
奠以東張其哈喇佃子等處地數百里擲之建人巡撫趙揖實從臾之副將應祺爭
之謂成梁曰憲廟時韓斌爲東協開陽明臺木闡嶺等屯墾復于清河地方設立城

堡置守禦兵六百餘員又建鴉鵲關限奴出入去奴寨八十九里地界稍寬夷夏之防比前愈密嘉靖十九年何權爲備禦武備漸弛遂退地數十里山上立碑爲界萬歷間公爲總兵開闢寬奠大奠長奠永奠新奠稍復舊境論功拜爵今王兀堂張其店哈喇泊喇咧跪等處有軍人屯種成家樂業與內地無異一旦議徙必將驚震居民況邊方土地尺寸是寶夷人無厭我退一步彼必進一步揆情度理大有未便不聽應祺抑鬱而死其年冬鎮撫行文招徠居民民安土重遷幾至激變如應祺言乃率軍丁數千裝塘驅逐之隨焚其室廬毀其器用強壯之人大半逃入建州僅得老幼孤貧六七萬人僉派遼鎮二十五衛安插事聞鎮撫以招徠敘功時居政地者四明沈一貫也三十四年秋建人強勒清河參值復爭入貢車駕語狂悖邊吏始倉皇請兵設防而朝鮮亦報警海夷回波諸部各俱苦之一韓因以棄地陷虜効成梁時熊廷弼按遼着令勒報廷弼據石碑全遼志題覆未結李奇珍亦有疏論之不報蓋扼於沈也三十六年三月海西建州二酋入貢奴酋混入猛酋部領賞禮部驗得實時奴酋二年失貢矣主事葉世英言奴強日熾鎮江寬奠之間逼近虜巢必先壯其聲勢乃能伐其狡謀戎政尙書李化龍亦言遼左危在旦夕皆因高淮擾民激亂以

爲奴酋之資四月前屯軍變欲殺淮不果五月淮復差舍需索錦州軍戶軍戶殺舍侍郎楊時喬立言有旨撤淮回京三十七年十一月建州遣子莽古大以萬騎修築南關故塞已而闌入靖安堡聞那林孛羅子金台失新立有備去已又勒騎往撫順關脅蟒段牛酒又勾西虜宰賽煖兔等窺開原遼陽邊吏告急御史請急撫北關收宰煖以折其謀三十九年冬建州請遵諭願減車價入貢及還張其哈喇佃子棄地科議請釋建州爲外懼姑置侵地報可四十年奴兒哈赤殺其弟速兒哈赤并其兵復侵兀喇諸酋四十一年奴酋圖其婿卜台吉因率所部投北關金白二酋匿之而奴酋益墾南關曠土圖窺並糾四酋宰煖二十四營盡甲馳清河間遼告急徵薊兵五千往援而奴酋已好語謝都御史張濤謂撫安等區耕牧日久請奉約新墾者概罷濤揣情形上書稱北關近開二覺其一東酋求婚北酋老女北關堅拒不與會卜台吉來奔北酋即許婚老女卜酋遜謝爲別婚東酋乃忿以匿逋婿爲辭其一金台失有女爲兄那林孛羅收養嫁宰賽反目頃金酋故殺那酋妻即宰賽之外母宰酋乘隙挾求老女贖罪老女矢以死守宰酋忿相攻北酋怨奴酋賄結請釋二恨無養癰東建也時金白二酋來告急別將曹文煥爲潛盟給以火器奴酋計縻我兵北關

乃可圖則益遣子骨里懇不肯漢耕牧無敢淫于異日願質子爲信上書訟北關匿
婿狀濤以爲然遣官往申諭奴酋遵諭以第七子巴卜海爲質巴卜海乃奴酋親子
妾眞奇生親巴卜太弟也聽朝議進止其北關匿婿勅發完聚當永紓遼患時濤甚
侈其功未幾奴度我弛備即嚴兵圍燒金白十九寨我師援不時發總督薛三才乃
疏爭往遼失策棄南關不救一之爲甚北關再折入奴東方憂滋大時奴質子固在
而已易志矣三才請募兵二千人屯開原諸堡以待其變御史瞿鳳翀疏稱奴意不
在婿與女特借負匿兩端爲北關罪似不必逢其不注意者強北關以必從以天朝
作外夷撮合名污而體褻今宜急救開原以千人駐清河撫順直逼奴巢以壯聲援
報可奴酋聞之即撤兵詣撫順懇負婿自明無他意時北關爲西虜剽掠部落苦飢
投奴甚衆即金酋從兄亦往奴撫慰之給牛種詭詐莫測我以火器助之守並貸以
豆穀食鍋北關始有固志四十二年建人益勾西虜圖北關而煖兔乘機挾老女北
關願與煖兔子締婚當事諭姑留老女繫兩酋心奴酋狙詐每發兵以圍獵爲名志
不在小而濤終以風聞爲妄謂北關開原本覲東夷漫貂東珠之利誘匿卜酋成騎
虎勢奴酋富殖遼人久爲所用我奈何以疲兵匱餉爲北關守老女通壻且北酋爲

我守二十里之遼東奴爲我守九百里之邊東奴心失又增遼陽九百里之邊患是爲無策御史董定策謂濤誤信虜款以質子爲奴所輕聊以解嘲耳已而奴復耕前罷墾地參議薛國用力主驅逐會新撫郭光復蒞任薊門援兵相望奴遂遵諭定界將六堡退還大書番字碑陰自明年不敢復種部夷有盜襲陽馬者建人戮之碑下以示恭敬四十三年北關白酋以老女婚煖鬼子奴發兵爭之以前求婚不與也北關危甚御史王雅量曰向救北關恐藩籬一撤奴煖合而遼不支今奴煖爭婚北關依強援于煖我兵宜設防遼陽以東值奴進止奴或不聽宣諭我督北關約煖鬼從南關入大兵從清河撫順分道而東奴亡可待也未幾奴罷搆兵

董其昌曰建之圖北關意在全遼也而借口于老女邊臣方幸其爲鵲蚌恬不知敵何其愚哉

錢謙益曰萬歷間閩中董侍郎崇相爲吏部郎遼左全盛建人方駕車入貢崇獨策其必叛每逢邊人相輒問遼事咨嗟太息若不終日福清當國崇相遺書極論邊事謂建州之口口四五年奴酋有歹商德明之元昊也又言金人兩道代宋以四月舉汴今之災異不下宣政今之邊鎮只恃一遼一旦有事內虛外弱首尾牽

制何恃而不恐金再舉而宋虜者以不聽李綱散遣勤王諸將之故今可泄泄不
早爲之所乎承平日久頗以崇相言爲不祥越六七年建人發難崇相之言若執
左券天啟改元遼陽陷袁自如以邵武令入計匹馬走山海周視形勢七日夜而
返崇相邀過余邸舍共策邊事夜闌燈池僮僕僵臥崇相拍案擊節殘燈吐焰朔
風烈烈射紙窻迄今二十三年勢日益橫自如磔崇相死而吾哀已甚不知何所
終也癸未三月

建州私志上卷

建州私志中卷

海濱野史續輯

萬歷四十六年四月建兵佯令部夷赴撫順市潛以勁兵踵其後十五日凌晨突執游擊李永芳永芳降城遂陷因以漢字傳檄清河言有七事啣恨并脅北關遼撫李維翰趨總兵張永胤移師應援二十一日建兵暫誘我師以萬騎圍繞夾攻胤及副總頗廷相游擊梁汝貴俱死全軍覆沒時宰煖各營方集遼河西岸虎墩傳調喇喝抄化亦屯兵鎮靜邊外虜東西颺動京師大震劉綎柴國柱等赴京調度時楊鎬以遼舊撫推兵待命以新銜往經略召薊遼總督汪可受先出關順天撫臣移鎮山海保定撫臣移鎮易州以便控禦尋以虜警罷移閏四月建州歸漢人張儒紳等賚夷文請和自稱建州可汗備述惱恨七宗以護北關嫁老女及三丕柴河退墾爲詞實以儒紳等行間御史季徵儀謂遼事必以勦之規模爲守以守之餘力爲勦乃爲完算五月丁未建州統衆克撫安三丕白家冲三堡經略楊鎬兼程任事及抵山海關得克堡疏請就近徵調宣大山西三鎮以四萬金徵兵萬人延寧甘固四鎮以八萬金徵兵六千報可是時偵報奴八子每登山密謀兵至如風雨兼與宰煖合衆近十

萬北關惴惴不免朝鮮已締姻建州且督匠造船烏龍江建州以女妻李永芳頃之西虜乃蠻抄化等進犯長勇堡七月建兵從鴉鶻關入二十六日晨圍清河參將郭儲賢拒守援遼游擊張旆請戰不從敵冒板挖墻自寅至未墮東北角因積尸上城旆戰死儲賢遙見叛人李永芳招脅大罵赴敵亦死之城中束手待斃爲賊殺掠萬計自三壘至孤山並遭焚燬惟參將賀世賢于驪陽邊外縱擊得百五十四級上賜楊鎬劍並諭飭諸邊鎬聞警單騎赴河東驪陽寬奠衆望風潰乃斬千總陳大道以狗議徒寬奠居民于遼陽會朝鮮遣參贊姜弘立等統萬兵請勅從征並乞確黃許之加李光榮總兵移廣寧九月建兵復從撫順入總兵李如柏馳瀋陽遇賊數千騎拒却之斬級七十六乃蠻尋受款虜漸解散二十五日建兵從撫順入會安堡殺掠千餘十二月北關金台失勤奴一寨來告賜白金綵緞時御史陳玉廷按開原知金酋所最暱夷婦爲指揮王世忠姑密遣入北關說以虎墩兔熬輩旦夕勤夷受賞艷以千金金酋利之故有是捷四十七年正月援遼游擊佟國祚叛附於奴以父鶴年在彼也二月援遼師雲集中朝以經略奏報久稽恐師老財匱輔臣方從哲兵垣趙興邦發紅旗催戰乃以十一日誓師遼陽凡分四路馬林率游擊麻岩丁碧等從靖

安堡出邊並都司竇永登督北關之師趨開鐵攻其北杜松率都司劉遇節等從撫順關出趨瀋陽攻其西李如柏率參將賀世賢李懷忠等從鴉鶻關出趨清河攻其南劉綎率都司祖天定等從晾馬佃出並都司喬一琦都朝鮮之衆趨寬奠攻其東計勝兵可十萬而瀋陽路最衝以保定總兵王宣原任總兵趙夢麟並隸戲下更令原任總兵所秉忠駐遼陽總兵李光榮駐廣寧策應誓畢梟撫順陣逃指揮白雲龍狗衆擇日出師時師期豫宣建人得豫備曰憑你幾路來我只一路去偵知杜松最勇建兵先至渾河壅沙上流伏兵山下松越五嶺關渡渾河焚剋二寨半渡敵兵萬餘遮擊衝松師爲二車營鎗砲尙未渡決沙水驟至擁渡不前松爭山頭駐兵而林間伏盡起松血戰突圍自午至酉力竭師殲焉松及王宣趙夢麟皆死馬林改道從三岔出抵二道關夜聞杜軍敗遂譁日遇敵至林斂衆以退敵追擊之死者枕藉僉事潘宗顏通判董爾礪皆死劉綎出馬家寨深入三百餘里克十餘寨時松旣敗建兵假松旗幟馳報之令亟來合戰劉啟營門建兵闌入不復可止衆遂潰綎亦戰歿喬一琦斬奴婿火胡血戰四晝夜奴必欲生縛之投崖碎首而死朝鮮將金景瑞從綎先登者亦全覆軍鋒劉招孫等並陣歿惟清河一路李如柏以經略令箭中道撤

兵不見虜而還師獲全先是縋出師日五星鬥於東方松隨發牙旗折爲二又大清堡軍庫災火器盡燬白氣竟天三市皆敗徵也報至舉朝氣索廷議李如柏衰懦不堪登壇是後逗留獨全疑有謬巧巡撫周永春請以李如楨代將李奇珍謂李氏跋扈如楨以弟代兄恐爲唐季藩鎮之漸又論如柏先納奴兒弟素兒哈赤女爲妾生子彼中有女婿坐鎮守遼東落誰手之謠上竟遣如楨往撤如柏候勘時宰煖諸酋并甘奴賄煖兎方沿河駐牧奴酋詐令部夷降金台失叛人李永芳遣奸細陰圖金酋寨頌之建酋以零騎窺瀋陽清河等堡又縱掠鐵嶺柴河撫安等堡五月建人深入撫順更以偏師躡鐵嶺撫安堡而新帥李如楨方與經略總督爭抗起前御史熊廷弼馳渡遼建人建國號曰後金皇帝建元天命指中國爲南朝黃衣稱除意甚恣六月建人擁衆數萬從靖安堡入乘虛直薄開原馬林等方引衆出防不虞其至城遂陷馬林被殺尋以三萬衆圍鎮西堡瀋鐵軍民奔潰擢熊廷弼僉都代楊鎬經略廷弼受代單騎就道翌日入遼陽斬陣逃游擊劉遇節中軍王捷逃城游擊王文鼎因奏遼左凋敝人心離散情形七月建兵從三岔堡入攻鐵嶺自寅至辰城陷自開原旣克我兵膽落建人最工間諜所在內應故堅城立下八月建兵佯縱我兵擁萬

騎直抵金台失寨自寅訖午旋陷金台失自焚死隨攻白羊骨寨白酋出降被殺北關相繼淪覆十一月建兵入龍潭口且往鐵運窖粟四十八年熊廷弼言以遼守遼之說屢試不驗矣貴精之說牢不可破遼陽瀋陽撫順清河靉陽寬奠鎮口皆當賊來路不置兵故無阻其闌入不多置兵無以當其聚攻而貴精之說必屯聚一處諸處相去遠者四百里近亦百里如何能濟時建人與抄化等盟朝鮮王李暉以建人索和來告並報欲犯寬奠鎮江情形抄化因與建人約入犯及收江夷爲用窺海道會廷弼以兵稍集主守瀋陽建人未敢深入佯誘虜睨河西徐圖乘敵遣其子及叛人李永芳時引輕騎出沒至發榜招降詢侮備至六月建人乘經略閱邊離遼陽以萬騎由撫順萬騎由東州堡入深至渾河總兵賀世賢柴國柱設防瀋陽却之泰昌元年十月袁應泰經略遼東熊廷弼聽勸天啟元年三月建兵帶鈎梯傾巢而來十一日夜半渡渾河次日攻瀋陽十三日瀋陽陷瀋陽之陷賀世賢已有異志應泰任之令懸牌招降童仲揆高出諫不聽應泰令世賢與尤世功並駐瀋陽世功所將萬五千人世賢報納降兵六萬世功密啟應泰曰世賢所報六萬實十萬也城決不可守願以所統卒自歸遼陽應泰始大駭已不可如何矣瀋陽旣失奉集勢孤遼左益

危御史江秉謙疏曰曩時楊鎬失律喪師開鐵淪陷當日情形危急有百倍於此時者自熊廷弼受命倉皇赴召四方調徵未集士方膽落甲馬器械一無可恃而廷弼萬死不顧一生數千弱卒出關猶復收拾餘燼城守經年賊終不能得志何前此垂危之遼城彼反不知所攻今此堅備之瀋鎮我反不知所守使廷弼得安其位定不敗壞如此十九日建兵至四里鋪按臣張銓登遼城指揮兵將經臣袁應泰親自出城督戰兩軍相當互有勝負應泰夜宿營中二十一日敵擁砲車過河在山東結一營官兵陣於東城下相對發放火器潛以步兵攻小西門應泰急退入城與銓東西分疆而守監軍牛維曜從小南門突圍被敵砍射落水扶傷而去敵以騎兵攻東門兩處夾攻應泰銓與分守道何廷魁三人分城死守至酉時小西門火起建兵登城遂有內應開門以納之者城內大亂應泰知勢不可爲登樓引刃自裁銓罵賊不屈死之廷魁視其二女二妾投井而後從之監軍崔儒秀自縊於都司堂上比曉建兵始入人皆剃髮隨順敵縱兵擄掠男婦多自縊者又遣叛將金玉珂領千人南至海州傳諭歸順人民已剃髮待矣獨山東礦兵與南衛堅不受命有無髮至者羣擊殺之四月以參議王化貞代薛國用巡撫遼東六月復以熊廷弼經略山海恢復遼陽

八月游擊毛文龍恢復鎮江王化貞以聞未幾復失因命文龍駐兵皮島以制東兵文龍當遼事破壞之後從島中收召遼人牽制金復海時時襲虜有獲而遼民思歸者百計逃竄及抵關文龍輒掩殺以充虜數報功又索餉驕恣所上事多浮舉朝論惡之以方握重兵居海島中莫能難也建兵襲取金州東人聞我聯絡朝鮮而旅順實登肆之咽喉南衛之門戶金州又切近登萊是以發兵戮之以隔往來之路二年正月建兵渡三岔河逼西平堡廣寧參政高邦佐冠帶叩闕自縊羅一貫堅守一日夜虜兵被砲擊死者甚衆將解圍復犯振武總兵劉渠方集陣有先鋒孫得功乃王化貞所任爲心腹者也推之當先未及戰得功呼曰兵敗矣率所部走渠略陣馬蹶被殺祈秉忠扶病上馬中箭死李永芳復環攻西平城陷一貫自刎得功走入廣寧疾呼軍民宜早剃髮降一城鬩然爭奪門走化貞股栗不知所爲策馬出城幾爲所獲西將江朝棟護之得出得功遂據城叛附廣寧旣潰前化貞所招降虜大肆殺掠逃軍和之難民西奔者棄幼小于途蹂踐死者相望化貞從散騎走閭陽適廷弼自右屯引兵至化貞向廷弼哭廷弼曰六萬軍蕩平遼陽如何化貞慚因商困守廣寧之計廷弼曰晚矣公不受給算戰不撤廣寧兵于振武當無今日此時兵潰之勢誰

與爲守惟有護百萬生靈入關勿以資賊足矣乃整衆西行廷弼入而化貞亦入言者並以私逃論然廷弼前奉守關之旨罪不同科已而俱坐大辟而化貞擅離汛地竟得無恙廷弼梟首西市又傳首九邊天啟之末逆黨用事借邊事以仇正人失刑甚矣時敵兵東無可逼者故得緩轡而旋按臣方震孺在廣寧亦單騎走監軍牛維瞻邢慎言隨之高出胡嘉棟韓初命隨經略走關上惟高邦留松山沐浴衣冠西向再拜縊死其僕高厚亦從死焉

野史私記曰前明建都於燕設九邊以衛神京東起遼東西極甘肅拖遞萬里其地自山海關起西則居庸紫荆雁門寧武偏頭五關偏頭關外則河套地也自山海至北皆秦時長城故址甘肅再西則玉門關在焉而長城始盡建州值山海稍東逼遼東地遼自洪武四年置定遼都指揮使司以馬雲葉旺爲都指揮使總制遼東諸衛時元孽未靖雲等由登萊渡海屯兵金州招降故元叅政葉廷秀攻走高家攻遂進止遼東完城繕兵嚴設守備七年八年元納哈出屢寇遼東上敕旺嚴兵城守虜至堅壁勿與戰納哈出至蓋州知城中有備不敢攻徑趨金州城庫兵寡指揮韋富等督兵分守諸門選銳禦之其將乃刺吾恃勇挑戰城上發弩射

之中虜被擒虜大沮引退由城南沿柞河遁歸旺策其將遁自連雲高十餘里緣河疊冰爲牆以水淋之經宿凝沍隱然如城藏釘板沙中設陷馬蹇平地伏兵以待虜至伏起人馬皆陷納哈出僅以身免十四年封子權於大寧爲寧王親王開藩以彈壓上游北控蒙古東制女直屹然建瓴之勢十九年勅北征將軍馮勝於大寧諸邊置衛以控北虜二十三年三月勝築大寧寬河會州富峪四城留守駐大寧率大兵直搗金山納哈出降一方遂安遼東自洪武初割錦義建利諸州隸之設都司於惠州領營興等二十餘衛所謂北平行都司也後又於遼陽開原間設自在安樂二州處屬夷之內附者此遼左建制之大略也遷都之後遼爲三輔重地出都門東抵山海關七百里而近一牆之外天子自爲守無高山巨川以限戎馬之足惟恃遼爲之屏蔽必遼之藩籬固而後京師之藩籬始固則兀良哈是也洪武二十二年故元遼王阿札失里及朶顏諸酋求內附詔以兀良哈地分三衛居之自錦義渡遼河至白雲山曰泰寧衛以阿札失里爲指揮使自黃泥窪踰鐵嶺至開原曰福餘衛以海撒兒答爲指揮同知自廣寧前屯歷喜峰近宣府曰朶顏衛以脫魯忽察兒爲指揮同知並給印信俾鈐東部落爲東北外屏是時

燕寧二藩相望謂可奴視屬然自三衛界夷人而遼之藩籬弱矣迨燕王兵起挾寧王入松亭關盡拔諸衛軍至北平靖難而後以諸夷從征有功遂捐三衛地界兀良哈者悉畀其酋而藩籬盡撤矣三衛自遼藩抵宣府幾三千里國初克元上都設衛開平置東西各四驛東接大寧西接獨石文皇四出塞征元孽皆往開平嘗曰滅此虜惟守開平則興和大寧遼東甘肅寧夏永無憂矣未幾以開平大寧東勝曠野難守移東勝左衛於永平府右衛於遵化縣棄大寧與虜而興和亦廢開平無援宣德三年並棄開平營獨石八城凡棄地三百里盡失龍關灤河之險當明前盛時已然諸部落已逼門庭由是三衛地廣其兵甚強而朶顏爲最嘉靖中花當革蘭台影克爲患二十九年特設薊遼總督以禦之三衛部多至八十餘種惟長昂董狐狸最爲兇狡萬歷中伯言花當歲無不擾邊大抵兀良哈日多事則遼日益騷屑而清兵益乘其弊譬如庶人之家不幸其卜宅之鄰於盜也力能擒盜以安厥居上次則擇善土而居之不以累其後人中也兩俱不能惟有益培其垣使無隙之可乘而後已三者無一何冀倖之有明自遼亡之後不待螽賊後訃而始有淪胥之歎也顧愚於此重有感焉遼左李氏父子以力戰起家當其盛

也傾家財畜健兒皆樂爲之用故所戰必克迨其衰也移以結納朝貴債帥之風日熾而功名墜矣且一成梁也前此用之國日闢後此用之國日蹙蓋折衝樽俎在政地不在疆場在廟算不在閫略也要而論之自貴州亡棄河套爲甌脫至毛帥死視皮島爲夷庚馴致全遼盡沒神京僅有一關之隔雖寧錦孤懸亦鞭長不及矣詩云人之云亡邦國殄瘁豈不然哉

建州私志中卷

建州私志下卷

海濱野史後輯

天啟二年三月以孫承宗爲兵部尙書用方震孺之薦也以王在晉代熊廷弼經略在晉議築重關於山海之八里鋪承宗言守寧遠者所以守關門退處於關則永平動搖京師亦震八里鋪去關不遠是山海爲孤注也承宗請出視師於是召還在晉承宗請獨任遼事敵聞承宗閣臣出鎮頗爲聳動不敢犯邊者踰年三年東人大舉入邊破覺華島攻寧遠時崇煥以道臣守寧遠忽聞敵警朝議以爲必不可守崇煥泣血誓衆與城存亡衆感其同心拒敵取西洋大砲置之城頭承宗遣中軍滿桂協力爲堅守計敵兵數里望之無際亟發砲擊之一砲輒殺百人由是大小砲間發死傷無算敵取板車爲蔽而進持斧鑿城城上束薪如脂以鐵索縋而燒之敵稍却又選死士持火藥焚其車大敗遁去崇煥軍聲大振邊警稍息時承宗久在關門經營四載闢地四百里徙幕踰七百里樓船鐵騎東巡至廣寧將興師大舉請於四年十一月十四日入賀萬壽節面陳進兵事宜逆黨忌之謂將興晉陽之甲魏忠賢大懼止承宗入朝又嗾御史李蕃崔呈秀輩劾其挾兵震主比之王敦五年抗章求去而

邊事盡隳乃以兵部侍郎高第督師第甫受事即下檄馬世龍撤錦州大凌石屯且議撤寧遠袁崇煥力爭而止七年春東兵圖錦州時滿桂駐札山海命移駐前屯爲聲援引軍而東殺傷相當敵樹白龍旗設大帳於灰山等處爲九營綿亙數十里須臾圍城柱率祖大壽迎斬殺過當尤世威從山東坡上發西洋砲擊其大營碎之敵當之糜爛獲其固山牛录三十四人遂大敗撤營去錦州寧遠同日解圍崇禎改元特授袁崇煥兵部尙書總督薊遼召對之日慰諭備至詢以虜氛何日可滅崇煥自許五年奏績然實無成算既而自悔失言及再入對遂以吏部用人兵部指揮戶部措餉言路持論俱與邊臣照應方得成功上即命各部臺省如崇煥言崇煥無可卸責一至寧遠遂密遣番僧往來通好爲講款之計又慮毛文龍洩其計身入島中誘文龍斬之崇煥初戕毛帥舉朝皆喜上亦褒獎再三而東兵出入自此益無攔阻矣二年十一月建兵自大安口入遵化撫臣劉某大司馬王治俱不習邊事虜遂長驅南下京城戒嚴上以外臣不稱任使命太監王應朝監視行營驟與劉之綸協理戎政侍郎金聲以御史爲參軍二人薦雲南人申甫知兵授京營副總兵然實無兵與之聽其召募起孫承宗畀以原官勅入朝陛見承宗奏曰現在袁崇煥率所部至薊

州尤世威守密雲滿桂守順義侯世祿守三河可以備敵而三河尤要守三河所以
阻敵西奔兼可扼其南下西奔則擾都城南下則蹂畿輔上是之遂命星馳通州料
理敵信方急促申甫出戰甫不得已引烏合衆縋城出未至蘆溝橋竄亡略盡甫搏
戰中飛矢死越數日之綸出師趨遵化率麾下戰伏發亦死時都城無備詔天下勤
王山東總兵張可太副使盧象昇各統兵應詔事已陞擢山西巡撫耿如杞入援兵
譚於涿州大掠良鄉潰兵竄入秦晉山谷間中原流寇自此熾如杞論死擢滿桂爲
武經略以祖大壽黑雲龍爲統帥桂與大壽率兵歸寧遠遠近大駭用孫承宗言置
大壽擅歸罪不問仍鼓勵之得不叛滿桂合各鎮兵與虜戰桂戰歿雲龍被擒兵大
潰幸東人得志而歸京師解嚴十二月逮袁崇煥王洽於獄三年四月磔崇煥于市
當虜兵之驟入也召崇煥入衛崇煥前以滅虜自任乃與虜相值輒避去及抵京但
請率兵入城休養上不許已深疑之都人又譚傳其勾結虜人犯因切齒處以極刑
先是虜出獵遇邊人掠之中有二璫是奉上命值崇煥者虜謀知之乃設一計佯爲
袁移書約犯邊答云知道了多謝袁爺又佯驚爲璫聞命斬璫故遣一酋縱歸璫上
其事遂墮其計袁竟及于難

見辛
存錄

袁既誅有上疏暴寃者自稱袁門生言袁某日提

兵至京營于某處明日虜至閉營不戰但發火器矢石得首級若干又明日移營亦如之如此凡三日所以不戰以馬兵先行步兵行遲未到不可列陣防其衝突故不敢戰又明日旨逮而步兵至矣若云勾虜則三日所得首級何來疏入擬其人謫戍復上疏曰崇煥若和虜叛國臣爲逆黨罪當同誅謫戍非臣律也疏奏不報

見息齋筆記

時承宗再任邊事梁廷棟爲大司馬邱民仰撫寧遠劉可訓撫薊州孫元祀撫登萊布置一新虜所陷各城亦皆恢復未幾承宗告歸邱與祖大壽不合廷棟可訓以朝局連染俱罷自後邊事草率塞責四月虜攻鐵嶺諸島協守張可大擊却之九年七月虜兵至居庸入保定界攻定興縣定興當涿南保北屏障神京太常少卿鹿繼善移疾家居自援兵當陣凡七晝夜城破挾刃索衣繼善嚙齒大罵受刃而死京師戒嚴分遣內臣李輔國等各守關隘以張元佐爲兵部侍郎鎮守昌平太監魏國徵守天壽山國徵即日行上謂閣臣曰內臣即日就道侍郎三日未出何怪朕之用內臣耶時九門晝閉斗米銀三錢上憂之召廷臣于平臺問方略羣論紛呶上諭以莫如蠲助爲便至九月建兵始從建昌冷口還守將崔秉德請兵遏其歸路總監高起潛不敢進揚言當俟半渡擊之偵騎報敵兵已盡渡四月起潛始進兵石門山報斬三

級京師紱守城功予太監張國元曹化淳蔭指揮僉事各世襲十一年十月建兵犯宣府由薊入燕北直州縣被禍甚慘建人恨孫承宗高陽被圍土城庫薄承宗率邑人誓以死守建兵晝夜環攻力竭而陷執承宗入城南老營承宗望闕叩首自縊子孫力戰從死者十九人復攻濟南被圍久之明年正月二日城陷德藩被害巡撫宋學朱巡道周之訓皆死都城密邇聲息危甚乃召孫傳庭于陝西洪承疇於三邊又加盧象昇尙書總督宣大山西傳庭至不得朝見意怏怏以疾辭職上以其託疾欺君下之獄又明年釋之承疇率曹變蛟等赴援後與祖大壽共守松山被圍年餘力竭而陷全軍覆沒邊人傳言承疇已死上予祭十三壇旣而知承疇不死前此錦州之圍大壽以糧竭無援遂舉城降未幾遁歸復固守八城其子在敵中弗顧也至松山之敗仍歸命於建惟變蛟不食而死象昇旣受總督之命上疏言撫西不撫東許市不許賞時楊嗣昌一意主撫議不合適丁艱乞奔喪而報虜復至以麻衣督師至賈莊與敵遇奮擊敗之明日敵騎大集象昇奮殺十餘人身中二矢二刃馬蹶陣歿歿後四年嗣昌敗天子思之贈卹象昇如例十五年四月建兵深入直走青齊南抵淮上縱橫二千餘里所至屠掠一空上特命周延儒以閣臣督師斷其歸路務期盡

勤無令隻騎生還然建兵勢大延儒畏不敢逼其在軍中未嘗鼓勵一戰日與私人
幕客納賄縱酒適天氣漸炎建兵大肆殺掠而還延儒偵知之以捷奏道路傳言虜
賄延儒買路而去上意已移猶加封太師放歸明年先置其所用事者吳昌時重典
仍提延儒至京勒自盡時十六年十二月也建人歸後至閏十一月兵掠萊陽封君
姜瀉里與故吏部郎宋應亨率子弟童僕守城二月城陷瀉里巷戰被執訶罵而死
幼子坡抱父屍慟哭虜縛置寨中夜半舉火燒其帳虜覺鬻之又逼降應亨金錢贖
死應亨與其族子玖彭官居侍郎同時遇害六月俱奉詔優卹是年七月下兵部尙
書陳新甲于獄以款事敗也命徐石麟讞之引失陷城池律擬斬周延儒極力營救
不聽先是新甲主款虜上以傅宗龍之言切責之謝陞獨以新甲議于是遣馬紹愉
往建州講款建人不表謝反得嫚語上大怒九月誅新甲十七年正月建州定國號
曰大清改元順治清主尙幼九王子理國號攝政王以遼人范文程爲大學士二月
給事吳麟徵請棄山海關外召吳三桂入衛以賊勢急也三月始棄寧遠詔封吳三
桂爲平西伯率兵入衛以道梗不得達而止十九日京城破帝崩于煤山賊執三桂
父襄勒令作書招三桂隨遣使賫銀犒三桂軍賊素畏三桂故也三桂微時嬖玉峯

妓陳沅欲娶未果而吳陳之好不置也後陳爲戚畹田弘遇挾去田死陳滯留京師城陷賊劉宗敏據弘遇宅因並得沅初三桂得襄書欣然從賊矣既而知沅爲賊所據乃按劍起作書絕其父曰季賊猖獗我國無人致京城失守聖主宴駕意父奮椎一擊誓不俱生否則刎頸以殉國難亦分何又隱忍偷生而又訓以非義父旣不能爲忠臣兒亦安能爲孝子請從此訣賊得書怒殺其家三十餘口繫襄東行四月十九日賊攻山海圍之又從關西一片石出口東突外城薄關門三桂窘兼聞清兵將入犯有腹背受敵之勢不得已乞師于清清初疑不敢進駐兵歡喜嶺大張旗幟以待三桂乃突圍出外城馳入清壁見九王稱臣遂髡其首三桂爲前鋒九王殿後英王張左翼統萬騎從西水關入裕王亦萬騎張右翼從東水關入于是三桂復入關盡髡其民開關延清兵入賊猝與之戰乍北遂無鬥志立梟襄首懸之高旗兵遽退清兵追之闖大敗奔還京席卷而西在途並欲殺沅沅曰妾聞吳將軍已捲甲來歸徒以妾故故復興師今殺妾何足惜恐妾死而不利于王奈何爲大王計宜留妾以繫其心當說彼不追以報大王之恩遇也時賊各擁重賞士卒解體自成不能復戰亦幸三桂之不圖己也棄沅而去于是三桂卒獲沅不復以賊爲意矣

陳沅小名圓圓北壁諸書有其

傳吳梅村集有其曲甲乙樂略亦載其事傳聞異詞茲據余所聞者錄之

五月清兵入燕都清以千里馬嵌寶滿帽蟒緞各一

賜吳三桂封平西王其洪承疇孔友德李永芳等並舊降官十人俱封王爵初一日

三桂行牌至京令諸臣公服迎天子登位

諸書言三桂索崇禎太子于賊賊予之又謂于清帥欲贖太子入都不許等語俱不足信削之

錦衣駱養性

被賊夾打未死飾法駕以俟初三日傳太子至諸從賊及戮辱者咸襲冠帶而出比

至郊迎則辮髮虬鬚乃清朝九王子也九王子者即四酋弟四酋今廟號太宗文皇

帝歿時太子纔九歲故九王攝政俟其長而授之九王子通中國語曰汝曹勿畏我

不殺一人諸在京官或遁或降沈維炳王鰲永金之俊等投職名入內攝政令各官

俱照舊供職各官以攝政爲清主也具勸進表上之內院范文程見而笑曰此未是

皇帝我國皇帝去歲已登極矣金之俊條陳時事稱意授行軍司馬將軍印從視城

池沈文炳仍爲吏部侍郎曹溶吳邦臣熊世懿張茂爵朱某爲五城御史駱養性仍

拜執金吾俱禿而加冠初五日頒諭曰予以藐躬荷茲重器欽承天命綏輔中華今

建都于燕爲久遠計云云又諭曰逆賊李自成係明朝子民糾聚兇徒妄興大逆偏

弑君父誠天地神人共憤者也予與明朝雖爲敵國殊切痛惋特令舉朝掛孝三日

以盡君父之情仍令太常禮部等衙門尊以天子之禮葬于原擬之壙于是傳攝政

令自初六始爲先帝設位帝王廟哭臨三日議諡號曰懷宗端皇帝隨限三日內九門百姓俱薙髮且云薙髮者賊亦非賊不薙髮者非賊亦賊坐武英殿受朝賀用人悉依明制惟改內閣爲內院各衙門俱用舊官正官俱用滿人或遼人爲之擢李建泰涿州馮銓爲內院初十日下午在京百姓限十日內俱移南北兩城其東西中三城改作營房以居北來兵衆三日後不及遷徙往往有占據失業者十二日吳三桂有所建白請寬薙髮之限旋命三桂遣牌招撫河南山東等處州縣南抵臨清駸駸乎混一之規矣

野史私記曰廢興之際如弈棋然唐虞而後商周以功秦漢以力魏晉以詐唐宋以謀元復以力其局不同然皆經營數載或數十載乃克享有天物而崖山一戰不免孤兒寡婦之譏顧滅四十剪遼金西夏而及殆憂憂焉未有鸚鵡之利掩覆之捷如此其安且吉者古稱功力詐謀俱無所用之矣粵自闖獻之驅馳者幾年忽假手於吳以奉之雖曰帝王自有真殆亦振古一奇也蓋嘗論之昔宋之南也俯眉事仇無意恢復而中興諸將以捷書上者纍纍史冊間何其壯也時則太行忠義兩河豪傑望旗幟而來歸動輒數十萬雖舉事不成亦足伸大義於天下矣

懷愍既亡燕鼎革命招撫之使絡繹于齊魯宋衛之郊不聞一人逆我顏行者豈
斬艾之後嘉種無餘抑亂政亟行甘心臣虜舊國故君之慕漸滅已盡歟于是河
洛長驅江淮失險史督師開府維揚舌敵唇焦惟汲汲以調停四鎮爲事迨于稍
暇則請芻請戰具之書日上而未嘗一應曾不容其統衆揚鞭堂堂一戰北師東
下委骨窮塵忠臣之報効如此而已可爲痛哭者也金陵爲帝王之州鐘山猶是
牛首猶是昔何以興今何以敗堅城百里師入如歸出晉井之慙顏繫子嬰于尺
組嗟嗟何面目見先人于地下也時則若雲間若池上若澄江若膠城稍出氣力
以相支撐或臨時引分或駢首如飴皆足振頽風而揚壯烈然而螳臂當車不過
日月之間而已新安馮險鄉人子弟同仇自固二三年間團結不散而當時已稱
勁敵矣時東南起義者如江右之臨江吉至丙戌春始罷而贛中相持又七閱月
其間以死勤事者凡數十輩可謂難矣過江之師勢如破竹蹙之甬上馘之延平
無異縛雞砧几何煩牛刀之一割哉別帥西征賊渠授首吹簫無竹一矢洞胸應
石碣千年之讖興朝用兵以來惟此舉最愜人望云粵西嗣興畫疆而守不過小
朝廷求活耳臨桂繼中湘督師賊臣悍將肘腋爲患然一戰再戰而其志不回所

謂鞠躬盡瘁死而後已亦足以愧爲人臣而懷二心者也自此以後傳聞異詞簡編闕略顧愚竊有感者南都擁立馬氏竊國都人藉藉有假皇帝眞太子之謠此乾坤何等時耶顧視天夢夢何哉此如父母于子教誨已極計無復之固義方之所不加而夏楚之所無益者也往者嘗聞父老之言矣明太祖叩曆數于劉誠意或曰張三半對曰陛下萬子萬孫與天同休蓋言光宗爲神宗之子而熹懷皆神宗之孫也潰敗之形伏于萬曆貫于天啟至崇禎而土崩瓦解已無可合之勢故愚爲甲申之變天命已訖聖安以後如贅疣焉雖延數載之緒而天之所廢誰能興之茲故不復叙次而第論其大略如此

野史又曰昔宋之季也陸君實在海上記二王事爲書甚悉以授侍郎鄧光薦及光薦卒其書失傳然則宋史所載崖海君臣之事尙其略耳後之閱史者有遺憾焉余每欲訪求永曆主上南寧入土州十餘年事粹不可得世必有如陸鄧諸公筆之藏之者恐歲旣久有湮沒不傳之恨則後之秉筆欲存亡繼絕者何所據依乎康熙己未曾有詔修明史今二十餘年來尙未聞有成書且爾時在局諸公往往至神宗以後多所遲回退託各自卸肩而去若此則書雖成恐未足稱愷史也

况未成乎然此不過以觸忌之故未易措手耳有公私記載可以稽考當年不成異時必有成之者獨赧王之七年山陽公之四世其君臣憂惕淒風泣雨之狀豈乏可歌可詠可悲可憤者不可使其泯泯也何況一成一族尙屬荆塗之舊壤而若文若獻寧論宋杞之無徵以緬疆一土上尙能搢搢數年其所施行尤豈可以游魂餘息而吐棄之乎至於國統續絕如漢魏章武黃初之例斷當以綱目爲準清朝順治十有八年歲在辛丑世宗章皇帝崩明年壬寅吳三桂自緬甸獻捷實永曆之十有六年而明亡明自元至正十二年壬辰太祖治兵于濠至丁未吳建號凡十六年此十六年當削至正年號而標以千支以至正分證于下其諸僭國得附焉蓋中國已有主元不得更主之也因明祖奉龍鳳紀年欲以龍鳳代至正此于理未允韓林兒草竊之寇耳其父韓山童假宋廣王之名建國稱宋嘯枯吹燼以悚動天下明祖以郭子興之故舊所推戴奉以行事不得以光武之更始爲比也統紀明之曆數自洪武元年戊申至永曆十六年壬寅凡享國二百九十六年而後以康熙元年繼之如薛氏宋元通鑑以庚辰之歲爲宋亡而元繼之蓋祥興二年與至元十七年皆庚辰也後之作史者宜加意焉間嘗讀吳人汪琬所爲

世祖章皇帝輓歌有曰車書方正統弓劍忽遐升事在辛丑口月越明年爲壬寅錢謙益投筆集于壬寅三月二十三日之詩自註題下曰大臨無時啜泣而作其詩有飛走都窮瘴海頭而今人說國亡秋之句則汪詩所云方正統者蓋預言之實則章皇帝在御之年尙未得正統也再閱尤侗西堂集中記閩人陳衍于崇禎庚辰年刻一書載鷺門僧一貫得古磚上隸字四行其末二句云庚小熙皞太平八紀意昔之善數學者紀將來之事即讖緯之類也尤君以庚小熙皞爲今上紀年太平八紀爲臣民之幸今上冲齡踐祚適當車書一統之期天命眷注鑿鑿可據如斯言有徵則曆數之延尙未艾也時甲申三月

建州私志下卷

建州私志跋

右建州私志三卷題海濱野史輯海濱野史不知爲何許人偶見鈔本銅仙逸史輯有是書乃彙錄於此逸史有顧炎武寧人序當時野史稗乘如海甸野史之類題寧人之名者甚繁知爲後人所僞託惟是書記建州史事語要不繁所記雖與東夷考略山中聞見錄等書大致相同然其述吳三桂行牌至京令諸臣公服迎太子登位比至郊迎則辮髮虬髯乃清朝之大王等事則它書所無足裨異聞至論明之曆數謂清朝十有八年歲在辛丑世宗章皇帝崩明年壬寅吳三桂自緬甸獻捷實永曆之十有六年而明亡明之曆數自洪武元年戊申至永曆十六年壬寅凡享國二百九十六年而後以康熙元年繼之如薛氏宋元通鑑以庚辰之歲以宋亡而元繼之蓋祥興二年與至元十七年皆庚辰也又謂康熙己未曾有詔修明史今二十餘年尙未聞有成書是此書作於康熙之中葉蓋亦留心明季史事者所爲也國楨記

清開國史料考叙論訂補編

清初史料
種附錄之一

安陽謝國楨剛主撰

按建州遼東諸地自來爲吾國東北要塞山勢雄偉田野鬱茂興安嶺蜿蜒於西北長白山屏藩於東南嫩江北流松花東注遼東一帶田原茂草一望無際爲重農之鄉堪資畜牧之利焉上溯戰國秦孝公開拓北邊已與東胡相通自後在漢則有高句驪在唐則有渤海黑水靺鞨阿保機氏突興遼土阿骨打氏崛起金源爰及明代奴兒哈赤氏稱兵建州卒墮明祀撫有中國然觀吾國史乘東北民族雖屢擾中國然積久終皆同化而內地山東人民浮海關東婚媾往來言語相通已無畛域之分惟其氈鄉之民草萊初闢史闕有間記載無多渤海遼金諸代固無論已即清初史蹟經清廷入主以來對於其祖發跡之事粉飾隱諱已漸失實故考史者欲得其真相爲事蹟難然輓近以來史料日出凡清廷所燬禁之書吾人皆可以於此略見而朝鮮記載已漸流傳中土故吾人於明代記載及明朝實錄朝鮮實錄中間接求之可以略具端倪焉余曾輯有清開國史料考一書摛輯關於清初史料約五六百種今復訂正其緒論略述清初史事淵源以供學者之探討所謂管窺蠡測識其大要

而已

按清初建國始稱後金明爲金之餘裔女真之種類也女真二字避遼諱改爲女直元滅金以其地置軍民萬戶府龍飛御天歌所云斡朶里豆漫即元志所謂斡朶憐萬戶在吉林三姓附近明代於遼東一帶置有衛所析女直爲三部曰建州即清發祥之地曰海西即今吉林諸地曰野人所處遙遠即今黑龍江一帶諸地明代目之爲東夷遼地自明洪武四年置定遼都指揮使司以馬雲葉旺爲都指揮使總制遼東諸衛十四年明封子權於大寧爲寧王開藩以彈壓上游北控蒙古東制女真屹然有建瓴之勢永樂遷都北平當其南下之時惡寧王之扼己乃徙大寧都司於保定府而以所屬營州等十一衛所亦省入順天乃以大寧之地自古北口至山海關立朶顏衛自廣寧前屯衛至廣寧迤東白雲山立大寧衛自白雲山迤東至開原立福餘衛朶顏三衛遊牧之民遷徙無常其居處亦未可遽爲規定也當永樂元年女直野人頭目阿哈出等來朝設建州衛軍民指揮使司阿哈出爲指揮使餘爲千戶復遣行人邢樞招諭奴兒干諸部野人酋長來朝九年遣中使治巨艦練水軍江上召集諸酋縻以官爵於是康旺佟答刺哈王肇舟瑣勝哥四酋率衆降始設奴兒干

都司建碑記事自開原東北至松花江以西置建州毛憐塔山等衛一百八十四兀者等所二十官其酋爲都指揮千百戶鎮撫賜勅即各統分部後置站地面各七寨一不領於衛所令歲以冬月從開原入朝貢惟野人女直僻遠無常期諸部願內附者於開原設安樂州遼陽設自在州處之己又爲海西建州立馬市開原歲時賜予甚厚蓋遼東之地自宋迄元純握於胡人之手自永樂以後乃重入中國版圖及大寧之內徙卒失東北之藩屏失敗之因乃亦隨之

阿哈出旣襲明職賜名李思誠子釋家奴賜名李顯忠顯忠弟猛哥不花亦均內附俾領毛憐衛累官都督同知顯忠死子住滿嗣猛哥不花死子滿答失里嗣是毛憐與建州同爲一族也永樂十年設建州左衛命女眞野人頭目猛哥帖木兒爲指揮使是爲清室之初祖即清代所追尊之肇祖原皇帝是也嗣後海西女眞數寇邊都督巫凱請討之不許當正統初建州女眞由三姓南遷據日人稻葉岩吉云其一遵遼東海岸以移住於豆滿江之谷地其一則溯松花江以移居今吉林之附近由酋長李滿住統之復移向鴨綠江支流佟家江居住推其南遷之因蓋當時左衛都督猛可帖木兒爲七姓野人所殺其族中必有互相仇殺之事故舉族而南遷猛可帖

木兄弟凡察子童倉逃居朝鮮童倉弟董山嗣爲建州衛指揮亡何凡察童倉逃歸建州而建州民族與朝鮮毗隣正值李氏第四代之英主世宗在位於是不能不發生衝突建州乃不得不重徙而居於竈突山之東南渾河之上方七姓野人之難建州亡其印詔更給比後得故印詔上更給者凡察匿不出乃更分建州左衛置右衛剖二印使董山領左凡察領右於是建州有左右之分而建州女直先處開原者叛入毛憐自相攻殺宣德間招降之命居於建州老營地老營者明廷歲收人參松子之地名爲東建州於是建州衛有左右及東建州之分然東建州之名據孟莚孫先生言謂明設建州三衛皆在東建州一地曰故建州曰東建州皆緣舉其源流則曰故指其方位則曰東非有異也

當正統時北虜也先併吞外蒙舉凡青海西藏乃至天山南路無不奉其號令供其驅使至正統十四年直犯大同而有土木之變英宗北狩是時遼東建州諸衛相繼煽動滿住董山等咸爲北虜耳目入寇不絕殺掠遼東吏民無算巡撫王翱遣指揮王武等招之稍稍歸附復擢用畢恭爲遼陽百戶沿遼河爲界築遼東邊牆實爲大寧內徙後防胡之唯一方策此後董山糾毛憐海西夷入盜邊無虛月獲董山斬之

成化二年乃命都御史李秉與武靖伯趙輔分三道入搗其巢朝鮮亦發兵遏東邊
輔斬首虜多滿住死明年築撫順清河綏陽諸堡邊備日嚴夷稍斂跡建州之重徙
竈突山者大概在此時是時明廷亦欲羈縻之後以董山子脫羅爲指揮滿住凡察
後皆得襲諸從叛者視先世遞貶一官是謂成化三年之役在明廷頗相誇耀者而
實未能直搗其巢也因此建州諸夷頗不能平乃以報董山之讐爲辭屢寇邊巡撫
陳鉞不能禁大闢汪直方倖功惑於通事王英之言謂夷易與與巡撫馬文升不合
汪直與巡撫陳鉞撫禦無法寇入益急自此邊事日壞此明代建州初期之事也明
中葉以還建州稍衰而海西興海西之夷哈達葉赫最強哈達酋長王台居開原東
北貢市在廣順關故稱南關葉赫酋長祝孔革及其子逞加奴仰加奴居開原北貢
市在鎮北關地近北故稱北關自永樂以來皆給其勅諸酋各由其道按勅驗馬入
貢使不相擾其法至善王台勃興海西剪除葉赫酋長祝孔革撫有北關地廣千里
事明最忠而良將李成梁巡撫張學顏善於撫禦諸夷建州諸夷王杲王兀堂阿台
以次剪除授首京師萬曆元年成梁與學顏協謀共展寬奠長奠永奠大奠新奠及
張其哈刺奠子等六堡築城徙民屯墾以實邊實爲畢恭建築遼東邊牆後之最善

政策乃王台老惜諸子爭立海西諸夷自相攻殺成梁亦以老而日驕漸生暮氣寬奠六堡亦相繼撤退於是海西廢而建州奴兒哈赤氏興禍起東北明廷遂致不祀奴兒哈赤氏突起東陲併吞諸夷始南窺明邊吾於此時不能不先明其部族清太祖實錄云是時諸國分裂滿洲國之部五曰蘇克素護河曰渾河曰完顏曰棟鄂曰哲陳長白山國之部二曰訥殷曰鴨綠東海國之部三曰渥集瓦爾喀曰庫爾喀扈倫國之部四曰葉嚇曰哈達曰輝發曰烏拉所謂國者實當時諸夷之一部落耳若滿洲長白山諸部實卽附近奴兒哈赤氏所居赫圖阿拉之諸小部落非有戎馬城郭堪成一國之強也惟扈倫四部在遼東爲較強明代載籍言之尤繁而奴兒哈赤氏與之交涉最多併扈倫四部而金國之根基始定是不可不記

按扈倫二字實爲明代忽刺温野人之轉音指海西諸夷而言是哈達卽王台之部葉嚇卽祝孔革之部輝發卽明代之灰扒烏拉卽明代之兀刺均在黑龍江沿岸所謂江夷也茲將諸夷列表並少識之於後所謂哈達葉嚇前文述之已明其世系表之如右

葉嚇部

祝孔革

(一名捏哈正德 時被王台所殺)

逞加奴

兀孫宗羅 (成梁所殺)

卜寨 卜兒漢

仰加奴

哈兒哈麻 (成梁所殺) 那林孛羅 金台失 得力革

哈達部

王忠 王台

虎兒罕 (性好殺)

商 騷尙住 吾把太

三馬兔 (早歿) 康古陸 (奸生子)

猛骨孛羅

虎爾干 白虎赤

輝發先世本姓伊克得里生於黑龍江岸尼馬察部有昂古里星力吉者自黑龍江載木主遷於扎嚕居焉有呼倫部噶揚阿圖二人居璋地姓納喇氏因附其姓是謂輝發始祖生子備臣備臣生納靈阿納靈阿生拉哈都督數代之後旺吉努出招服諸部築城於輝發河邊傳至孫拜音達哩國亡烏拉先世曰扈倫姓納喇因建國於

烏拉河岸故以烏拉名其國至布占泰國亡當時海西而外則爲朶顏三衛嘉靖中
花當革蘭台影堯爲患時專設薊遼總督以禦之三衛部族多至八十餘種惟長昂
董狐狸爲兇狡萬曆中則伯言花當最盛其酋則大委正小歹青虎喇赤速把亥抄
花諸名酋名最繁不能悉舉西虜則有虎整兎愁等名此皆與當日時事最有關係
不可不知者也

奴兒哈赤崛起於遼東黑圖阿拉之地其先世源流雖未詳悉然據明代記載實建
州左衛之苗裔也所謂其先興祖福滿生六子稱寧古塔貝勒各築城分居以黑圖
阿拉爲主城其世無考惟可知者其祖覺昌安塔克失從李成梁死於討王杲阿台
之難奴兒哈赤氏與其弟速爾哈赤奮起戎行斬夷克五十得賜龍虎將軍捕殺仇
人尼堪外蘭伊堪者漢人之謂外蘭者外郎之意也築城於呼蘭哈達併有長白棟
鄂諸部未幾即囚殺其弟乘王台之死其子弟之紛爭王台之孫歹商爲葉赫那林
孛羅所戕猛骨孛羅單騎來歸奴兒哈赤氏利用其狡猾之智奸詭之計乘其來歸
遂遽殺之而滅南關乃稱建州國汗北關則以那林孛羅之女老女相許白羊骨竟
以許暖兔子蟒兒骨大適烏拉卜占泰爲奴兒哈赤之婿以得罪來歸於是奴兒哈

赤師出有名以老女逋婿之事遽攻南關所謂老女逋婿之役在明代記載極爲重視奴兒哈赤既併有南關諸部僅有北關葉赫未下於是奴兒哈赤由建州國汗建國號曰金稱年號曰天命乃於天命三年明萬曆四十六年以七大恨誓與興兵伐明是時明廷已鑒奴酋之強葉赫氏爲明東北之藩屏已垂於危於是經略高拱命杜松馬林李如柏劉綎分四路出師奴兒哈赤既破葉赫金台失白羊骨二毒冒焚死乃乘餘勇一鼓而墮楊鎬四路之師所謂薩爾滸之役金國之基遂於此定明廷乃命熊廷弼經略遼東廷弼未出而開原鐵嶺繼陷廷弼至遼招流移繕守具固守不浪戰之旨乃忌者劾其不戰乃以袁應泰代之時蒙古大饑招降數萬異族雜居瀋陽遂至不守明廷復起廷弼乃建三方布置之策廣寧登萊各設巡撫而經略駐山海關廣寧巡撫王化貞與廷弼不合廣寧不守是時明廷則魏闈擅政政出多門以廷弼之熟於邊事而信任不專卒至僨事未幾左光斗魏大中諸賢均罹大辟追贓之說即由庇廷弼而起說者謂廷弼不死於邊疆而死於門戶識者哀之繼廷弼而起者則爲經略王在晉薊督王象乾象乾主款蒙古以捍東陲在晉則主守關門而棄關外均不免書生之見在晉之說尤爲紕繆惟大學士孫承宗主關外築重城

與寧遠覺華島相犄角不主款蒙古之策較爲得之但未幾爲魏閣排去是時奴兒哈赤氏則繕甲兵聚卒乘自薩爾滸之役後天命七年由興京遷都太子河右岸築東京城遼瀋繼陷乃移都於瀋陽清代之盛京今之所謂遼寧者是也於是奴兒哈赤氏復撫有東海瓦爾喀虎爾哈渥集三部黑龍江之索倫部儼然蔚爲大國不幸於天命十二年大舉征寧遠爲巡撫袁崇煥火礮所傷遽崩是謂太祖其第四子黃台極嗣位是謂太宗國號天聰袁崇煥之爲人其殺皮島毛文龍卒失海隅之屏障文龍之部下若尙可喜孔有德耿仲明輩多降入清爲明末一大禍端固爲失計然其遏禦悍敵之功則不可沒也其五年破敵之說固爲誇言其精悍之才則不可掩也崇禎帝信之而復疑用之而不專乃中敵人反間之計卒殺崇煥豈不哀哉其後孫承宗修復關外四城頗具恢復之志而不能竟其材餘則更不足與謀戰事置餉設官繁複無當巡撫總督一處數設權勢龐雜不能統一餉則有勦餉練餉之名竭天下之資以供遼東盈廷築室嫺塘羹佛雖無勁敵明祚亦不能持久也明矣

太宗卽位當太祖時其武功亦足以懾明廷之氣於是太宗乃得整理其內部及併服朝鮮蒙古之地當太宗之初立太祖之子八人兄弟最繁所謂三尊佛之制乃與

麟爾古秦代善共理國政內部實未能統一未幾麟爾古秦叛代善亦知幾而退於是權歸於一尊不可謂太宗應付有方是時朝鮮李适李貴等責其君光海君之無道迫其退位太宗乃乘此機會進據江都朝鮮憎服約爲兄弟之國在朝鮮之史名爲丁卯虜亂而蒙古插漢諸部亦相繼歸附統有漠北諸地乃於天聰十年改元崇德更國號曰大清國皇帝是時朝鮮新有國喪乃命貝勒前往弔唁間附蒙古貝勒勸進之書朝鮮直斥來使於是太宗乃爲第二次之征伐進據韓城立豐功碑於三田渡以紀其事是謂丙子虜亂

當此之時明廷山東沿海之地毛文龍之部將尙可喜等亦相繼歸降渤海無後顧之憂東兵可以直抵膠東以掠山東之地插漢旣服則西路可以西趨大同會師宣府明廷所恃者僅山海關及關外錦州永平等四城耳有孫承宗之守大凌河關塞儼然屢挫清師其興復屯戍禦備之計實不亞李成梁之興築寬甸六堡乃小有挫折立即去之於是太宗四路出師錦州松山杏山之戰薊遼總督洪承疇被擒當時明廷自詡天朝諱言構和者至此乃命陳新甲赴遼請和而所謀不成新甲以洩謀棄市當時則兵盡餉竭流賊充斥西寇李自成直迫近畿北京不守甲申三月十九

日之變崇禎自縊吳三桂不忍愛妾陳沅之被掠乃東趨清師入據北京而明亡矣然而時太宗新崩冲子嗣位內部方發生立嗣之爭實不暇有南顧之事吾觀內閣大庫所留遺金國汗之詔誥書牘未嘗無求和之意自慚之心據天聰二年失名奏本云南朝雖師老財匱然以天下之全力畢注於一隅之間蓋猶裕如也我國處南朝之大計惟講和與自固二策而已南朝亦知宋爲覆轍但賄賂之積習日久而玩愒必生明知固蹈勢所必至待我國益富兵益強乘間再圖破竹長驅傳檄天下矣正兵法所謂卑驕利誘之術也蓋其初願殊不及此使主國是者處置得宜何至有甲申之變哉今惟有供後人之垂弔而已

以上之文據馬文升撫安東夷記王在晉三朝遊事實錄葉向高女直考卷上愚公東夷考略彭孫貽山中聞見錄海濱野史建州私志國立中央研究院殘舊魏源開國龍興記孟森清朝前紀滿洲開國史講義日人內藤虎次郎讀史叢錄稻葉岩吉滿洲發達史等書輯爲一文取便讀者不盡注出處以下之文乃用考證之法以疏證其事

如上述所謂奴兒哈赤氏之世系孟蓀孫則謂出於建州左衛章太炎則謂出於右衛則清代世系果左衛乎右衛乎是均有可商榷者也又如猛哥帖木兒之子童倉又有子名董山明代記載如葉向高女直考等書作二人朝鮮實錄則作一人吾意朝鮮距建州較近其言必不能無據凡此諸問題其不能解決或新發生者尙夥此非

藉新史料之發現與學者之董理不能明也又如清代之勃興與明代之覆亡其制度之興廢與覆亡之原因必有可以注意者故於事實考訂之外復於明清制度諸問題可以歸納而研究者約有數端茲先言明代對於遼東建州之建設諸問題吾人所當研究者

一明自阿哈出內附明廷對於遼東之設置本極詳明上文已略言之在遼東者則有巡撫以撫遼東都指揮之職總制諸衛先後置建州等衛一百八十四兀者等所二十都司一曰奴兒干其酋爲都督指揮千百戶鎮撫俾統其部落別爲站爲地面各七十不領於衛所並約歲一朝貢野人遠無常期又設馬市開原並設安樂自在二州於開原遼陽以撫降夷

以上業向
高女直考

立寧王於大寧以屏藩王室必遼之藩籬固而

後京師之藩籬始固於是有兀良哈朵顏三衛之設其在內者長城古所以防邊自山海關起西則居庸紫荆所謂三關近畿之地薊州昌平保定遼陽所謂四鎮在明代極爲重視其後時事不同遞有變更如後遼事日勞經略之設置山海昌平保定之各設總督寧遠永平順天昌平密雲天津保定之設六巡撫籌餉之策則有因饑溢地事例驛遞之分剿餉練餉之別其事至爲複雜至明之綠營規制漸已墮敗將

領則侵蝕兵餉不能足額不足以禦敵於是有家丁之制每一部曲輒千人自家丁之制壞而遼事益不可爲此亦敗亡之一因若考而訂之可以見明代建置之大概焉

二兀良哈三衛之設置兀良哈爲蒙古之族名當明洪武二十二年築大寧城封子權爲寧王翌年元之宗室遼王及朶顏內附明因分爲三衛一朶顏二福餘三泰寧此三衛者究在今地何處日人稻葉岩吉滿洲發達史謂朶顏蒙古所以語官人者即成吉思汗之曾孫朶顏是也其封地在今嫩江一帶福餘即扶餘爲今農安附近地方泰寧地址雖不能確指大約卽元之泰州即伯都訥之北方諸地要之兀良哈爲遊牧民族本遷徙無常日人箭內互博士兀良哈考云明史外國所謂自大寧前抵喜峰口近宣府曰朶顏自錦義歷廣寧至遼河曰泰寧自黃泥窪逾鐵嶺至開原曰福餘者乃明代中葉以後之形勢而非洪武年間三衛之疆域也兀良哈三衛在今所謂東蒙古之地介在韃靼瓦剌與建州女直之間其說極爲有據自永樂遷都北京大寧內徙於是明代載籍多有謂分大寧之地以畀三衛遼東失其藩籬禍端即肇於此然稻葉氏則謂以永樂之英武其計當不出此引明陳組綬明職方地圖

大寧圖考以作證然以大寧界三衛之說自馬文升之撫安東夷記鄭曉吾學編卽主其說文升去其時未遠其言必不致有誤且無論如何大寧內徙實永樂之失計固無可諱言者則其餘地安知久而不併入三衛兀良哈三衛之設置於明代之遼東極有關係近來日人頗注意及之此不可不研究者也

三明代遼東邊牆之建築實大寧內徙後最大政策其建築者始於畢恭卽創修遼東志者也明代邊牆之建築非僅遼東宣府大同一帶皆築有邊牆載在明史特遼東建築邊牆明史晦而未顯耳稻葉岩吉氏謂邊牆之區劃約有三部一爲遼河流域之邊牆二爲遼西之邊牆三爲遼東東邊之邊牆所以防禦東夷其法至善遼河在明代一稱三岔河王在晉三朝遼事實錄云

按三岔河當全遼適中之所爲東西咽喉其上流爲遼河分爲三水俱出建州界內逶迤潑洄歷黃泥窪合而爲一南行百餘里爲三岔河又一百八十二里而歸於大海

惟畢恭之築邊牆經遼河之套而邊牆中斷成凹字之形至棄水草鮮美之地漸爲三衛所蠶食防胡之具已漸失效惟邊牆之設因遼河之變遷其遺跡是否可尋當

時建置之法若何此又不可不研究者也

四明代通遼道路大抵明代通遼之路可分海陸二程明之初年遼東由山東巡撫節制定遼之師多由海道故有遼海之稱其後則多由陸道三朝遼事實錄云

國初置遼故屬山東其航海自金州旅順關口南達登州新河水關岸計水程五百五十里而海中島嶼相望遠可百里近止數十里舟易停泊有羊塌島石碣舊鑄可考先年由登萊轉運濟遼豐歉有無彼此兩利嗣因亡命竄入海島爲患設禁始嚴遼遂坐困萬曆二十五年以來議從海運餉東征士卒其禁稍弛而旅順復設防海游擊以控扼之雖則爲運實以爲防戊午奴陷清撫復開海運創始者登州道陶朗先也歲運十萬石者東撫李長庚也

由海運而通遼實爲得計王氏之文可以略見其崖略惟由薊北通遼之路陳仁錫無夢園集山海紀聞記全遼道路城堡頗詳蓋萬曆天啟間明清交涉日繁其通遼之路乃爲不可忽之事考遼東故城有都爾鼻地爲至遼東西必由之路日人內籐湖南博士曾有都爾鼻考一文考其地即今之彰武縣據朝鮮日記清實錄等書當日太宗伐明爲必經之路嘗諭三貝勒曰爾等率兵二萬由義州進發屯於錦州大

凌河之間以俟將大兵由白土塲入趨廣寧大道初六日會於大凌河是當日之路徑從奉天渡遼河之後先出邊門再由白土塲赴義州入遼西至康熙間闢新民屯之路線而此路遂廢若夫建州三衛之道路城站衛所等之名目大明一統志及何喬遠名山藏記之甚詳全遼志亦記其事若董而理之則於明代遼東之地理頗有關係者也

五明代經略之設及籌遼之議明代遼東故有巡撫自邊事日繁而後有經略之設以總理其事大抵以兵部侍郎副都御史充之如正統間遼夷猖獗則以王翱爲經略以撫其事後此則無聞自以楊鎬爲經略四路出師東夷考略稱其以新銜往經略順天撫臣移鎮山海保定撫臣移鎮易州皆爲創例有經略與巡撫並設者有經略兼巡撫者自出師喪敗之後以熊廷弼代之未幾以袁應泰代熊廷弼後熊廷弼與王化貞不合遼陽喪師乃以王在晉代之繼之者則有孫承宗高第王之臣後乃以袁崇煥巡撫寧遠罷經略不設乃有督師之名其實即經略也其後則設官雖繁而邊事愈不可爲至籌遼方略熊廷弼三方布置之策袁崇煥以遼人守遼土以遼土養遼人之計王在晉之主守關門款插酋孫承宗之修關城繕守備均各有其得

失惟當日政權不一有經臣撫臣樞臣之分諸事掣肘熊廷弼已痛乎言之雖有謀臣勇士亦安足用至於朝野之士鑒於國是之日非亦多爲籌遼之策所謂漸進漸復用夷攻夷修屯政爲久計諸說見無夢園集當時之士發爲著述以痛言遼事者則有程開祜籌遼碩畫喻龍德祕書兵衡張一龍武庫纂略諸書就其所論則亦不過書生之見以口打賊而已以上乃就明代對遼東之政策言之若清代建國之史事則更有可研究者茲略舉之於後

一清代之姓氏及世系問題太祖姓愛新覺羅氏清實錄所云愛新覺羅乃天女佛庫倫所生始祖已稱此姓所謂愛新金也覺羅即族之意惟八旗氏族通譜不載此姓以爲國姓諱至太祖之在明代稱佟氏亦稱董氏日人內籐博士爲清朝姓氏考一文則謂其姓佟氏者則以明永樂間建奴兒干永寧寺碑其中有佟答刺哈其人事明最爲恭謹故對明代則稱佟氏董山爲明正統間名酋最爲兇猛童董雙聲故對內則稱董氏明天啟間佟卜年以與太祖同姓而致罪即此因也至太祖又稱棟鄂氏與佟董二氏有何關係內藤博士則據盛昱八旗文經作者考

是書爲近人楊鍾羲先生子勛所撰

云

鐵保字冶亭一字鐵卿號梅菴舊譜姓覺羅氏自稱趙宋之裔後改棟鄂乃以佟董

與棟鄂氏之關係在此其說實未可憑朱邊先撰後金國汗姓氏證明清室祖先本姓佟佟童實雙聲之轉音其始祖爲建州左衛猛哥帖木兒而愛新覺羅乃清太宗新改之姓其所以改姓者蓋因古者所傳男女同姓其生不繁東胡之民本同族通婚及其族始大則仿遼代改耶律氏爲蕭氏之例不過遼代改母姓此則改父姓耳其文洋洋數萬言攷證極爲賅博至清代之世系清實錄與明代記載其不同之處約有數點據內藤博士所列之表錄之於後

愛新覺羅氏 肇祖原皇帝

布庫雍里順...范察...都督孟特穆

充善 裕宴

妥羅

妥義謨

錫實齊篇古

興祖直皇帝

都督福滿

德世庫 劉闡 索長阿 覺昌安 包朗阿 寶實

禮敦巴圖魯

額爾袞

界堪

塔克世

顯祖宣皇帝

努爾哈齊太祖

塔察篇古

明代及朝鮮記錄次序應如此

建州左衛都督

童孟哥帖木兒

猛哥帖木兒

童倉

凡察

董山

脫羅

又

脫脫

叫場

教場

塔失

他失

奴兒哈赤

此孟特穆即猛哥帖木兒充善即童山妥羅即脫羅覺昌安即叫場塔克世及塔失督都福滿無著落凡察為猛哥帖木兒之弟列在孟特穆之上亦未允當大抵清代世系於其先代則故為神話以附會其說至後史料日出乃知清之先世本臣屬於明清代臣僚乃更為模糊影響之辭以興祖先世不明以證太祖非建州左衛之本系而明非臣屬於明者孟蒞孫推闡其說至為明確惟云錫寶齊篇古即明實錄中之失保興祖即董重羊重羊乃童倉之別名按童倉之名埋沒已久何以忽有重羊之名在史料未充分成立以前植尙未敢贊同也要之太祖究係何族東夷考略稱其為建州之支部內藤氏則以為太祖乃建州之贅婿凡此諸說與清代建國極有關係皆有待考究者也

二滿洲之國號徵諸明代載籍及清初檔冊太祖之肇興乃稱建州國汗後乃稱金國汗觀清初檔案歷歷可明至崇德元年改稱皇帝乃稱大清而當時所通用者仍稱金國而無滿洲之稱至清官修之書乃凡關於金國汗之名概行諱之而改爲滿洲滿洲之稱日人謂爲文殊之對音孟蕤孫則以滿洲亦稱滿殊明代書作滿住係最大酋長之稱又李顯忠之子爲李滿住滿住與滿殊之音略同植意自太宗合併插漢佛教東漸觀明袁崇煥嘗遣喇嘛問弔則清初之迷信佛教可知滿洲之名蓋由其習俗滿珠之稱其祖爲李滿住又與佛氏曼殊之音相合展轉而成者也

三清初之承繼問題蒙古國俗遺產分配之制成吉思汗薨後其嫡妻少子拖雷不但承受遺產而且爲繼嗣之主是謂庫里爾特之制度在清初立嗣制度是否與之相同尙須待考清代自康熙而後不立皇太子皇帝默簡置之乾清宮正大光明匾額之後此制固爲奇異然當太祖太宗兩朝之立嗣則更有問題當太祖時其長子褚晏因謀叛被殺在其族中共選四人每日由一人執掌國政即大貝勒代善二貝勒阿敏三貝勒莽爾古泰四貝勒皇太極阿敏爲其弟速爾哈齊之子後被殺及太祖崩何以立皇太極爲嗣是不可不考者清實錄太祖崩大福晉賜死一事多爾袞

多鐸即其子也其事因有爭立關係後被刪去據朝鮮人撰燃藜室記述引丙子錄云

丙寅五月建州奴酋奴兒哈赤疽發背死臨命立世子貴榮介貴榮介讓弟弘他

矢

即皇太極

曰汝智勇勝於我汝須代立弘他失略不辭讓而立

則當時之無遜讓之心可知太宗立與莽爾古泰代善共輔國政所謂三尊佛之制度後莽爾古泰得罪代善亦知幾而去權乃歸於一尊及太宗崩而繼嗣又發生問題世祖實錄卷一崇德八年乙亥條云

和碩禮親王代善諸王貝勒會集以大位不可久虛定議以太宗之第九子嗣位共立誓書詔告天地公議和碩鄭親王濟爾哈朗和碩睿親王多爾袞共輔國政依當日情勢多爾袞最爲有功且最機警依蒙古少子立嗣之制度則固有應立之關係惟當日人民屬望太宗之子乃以太宗第九子嗣位是謂世祖其間多爾袞之力爲多朝鮮瀋陽狀啟云

十四日諸王會於大衙門大王發言曰虎口帝之長子當承大統云虎口曰福小德薄非所堪當固辭退去定策之議未及歸一帝之手下將領之輩佩劍而前曰

吾屬食於帝衣於帝養育之恩與天同大若不立帝之子則寧死從帝於地下而已大王曰吾以帝兄當時朝政老不預知何可參於此議乎即起去八王亦隨而去十王默無一言九王應之曰汝等之言是矣虎口即讓退出無繼統之意當立帝之第三子而年歲幼稚入高山軍兵吾與右眞王分掌其半左右輔政年長之後當即歸政誓天而罷去所謂第三子年今六歲

是當非傳聞確係事實虎口即豪格九王即多爾袞此事多爾袞周折之力最多據世祖實錄卷二十二順治癸卯條云

攝政王多爾袞集諸王貝勒貝子公大臣等遣人傳語云今觀諸王貝勒大臣但知諂媚於予未見尊崇皇上者予豈能容此昔太宗升遐嗣君未立諸王貝勒大臣等率屬意於予跪請予即尊位予曰爾等若如此言予當自刎誓死不從遂立皇上以此危疑之時以予爲君予尙不可今乃不敬皇上而媚予予何能容

是多爾袞有立嗣之功內籐博士清代繼嗣問題一文記之最詳清初是否用蒙古立少子之制不可得其詳然繼嗣問題固爲清初重要之一事也

四建州部族之譯名建州民族其人名制度與吾國多異而譯名亦多不同然明代

載籍譯建州人名作奴作鼠錫以狐狸犬兔之名獐鷹之官存心謾罵固無論已大抵清初其名物之名或取之蒙古或取之中國如皇太極即蒙古之皇太極章京即將軍之轉音其記名物制度之名者如陳仁錫無夢園集山海紀聞云

奴酋名號

號憨者主也

四男名喘竿稱憨不出戰

號貝勒者子姪也

凡老奴子姪孫正派稱之

號恰者總督也

以真夷有才略任之

號娥夫者

駙馬也號姑嫗者女婿也

凡雜夷中國人心愛者俱配之

號孤山者總兵也

非真夷凶狠者不當此任

號牛鹿者將官也

俱不用中國人凡雜夷中選任之

號獐鷹者千把也

亦以雜夷選用

號擺言者好漢也

披重甲衝營破陣者俱是又有號紅擺言者最精健

貝勒大臣

此爲明代記建州名號雖未能允當然亦可見明代對於建州名物所推測之大概記人名者明代記載與清代官書多有不同清實錄所記之名則漸從雅馴如逞加奴仰加奴歹商清實錄則作清佳努楊佳努岱善其祖先猛哥帖木兒作孟特穆董山作充善安羅作脫羅叫場作覺昌安塔克世作他失等類不能悉舉至朝鮮記載則尤與明代記載不同大貝勒代善作貴永介皇太極作洪他失肅親王豪格作虎口碩託作小退英俄爾岱作龍骨大剛林作加隣亦作葛林希福作皮牌巴克氏作博氏八旗作八高山凡此之類不知凡幾不知其事者多不易明大抵譯名一事在

遼金元及清初史極爲重要然清初譯名經乾隆時屢次改定已失其真如能將清初未改之名及清人官修書之人名朝鮮人之記載列表而對照之則取便於讀者多矣

五建州之遷徙及其疆域建州三衛之分置及建州衛由渾同江之東被忽刺温野人所侵南遷於婆豬江之西南後又爲朝鮮所迫遷於興京西南虎欄哈達之地其遷徙之跡上文已略言之至其後併有諸部其疆域日廣日人稻葉岩吉曾有文考其事於建州之遷徙言之頗詳然對於其後併吞諸部後之疆域若何尙未述及此不可不研究者也

六遼東之部族當明代遼東部族極繁建州三衛海西野人女真及兀良哈三衛此其犖犖大者若清實錄所記滿洲長白扈倫諸部所記尤繁即如一部族之中其酋名目亦至繁明張鼐寶日堂集遼夷略所記以寧前而論其革蘭泰一種凡八枝廣寧錦義而論其土蠻愁一種凡九枝黠塔必一種凡十枝大委正一種凡三枝克石炭一種凡三枝向領市賞在鎮遠關其克石炭一種凡三枝領市賞亦鎮遠關其鬼麻一種凡五枝小歹青一枝市貢則在大康堡額參委正一枝市貢亦鎮遠關耿耿

清考補
五青青歹青石保赤丑庫兒三枝市貢在大康堡其五路台吉一種凡七枝共十八
酋而領市賞亦鎮遠關也其把伴一種入於泰寧凡二枝共十酋而領市賞亦鎮遠
關也泰寧諸夷虎喇赤一種凡五枝長男速把亥一枝凡二十二酋直廣寧海州西
平東勝東昌等堡而領市賞亦鎮遠關也至萬歷後西虜則以伯耍兒抄花二族爲
最勝若考而比之於遼東部族之盛衰可以略知大概矣

七清初之征朝鮮及征蒙古建州與朝鮮爲比隣自與明代絕貢建州已不能自持
於是不得不攻朝鮮在東北地域成爲一體而朝貢之入亦足以補明代賞給之不
足其征朝鮮之役一在太宗天聰元年一在崇德元年在朝鮮之記載一爲丁卯虜
亂一爲丙子虜亂朝鮮公私所記言之頗詳至插汗之款附與明清之興亡極有關
係朝鮮旣降則明廷之東邊亡插漢與建州和則明廷之西陲闕此不可不研究者
也

八清初之軍制清太祖以遺甲十三副起家遂能雄視東方則其兵制編製必有其
故如清之中葉兵制已壞而曾國藩之練湘勇乃能所向無敵兵制之改革與時局
極有關係清初八旗之制在明代之記載陳仁錫無夢園集山海紀聞云

奴酋統屬愁總統貝勒恰娥夫孤山牛鹿獐鷹擺言等酋貝勒八恰四娥夫六孤山八牛鹿三百六十擺言共紅擺言千有餘各牛鹿所屬健夷或五七名或十數名或三四十名各不等非如中國整營整隊連帥什伍之節制

在清代之記載清史稿兵志云

設四旗曰正黃正白正紅正藍復增設四旗曰鑲黃鑲白鑲紅鑲藍統滿洲蒙古漢軍之衆八旗之制自此始每旗三百人爲一牛衆以牛衆額眞領之五牛衆領以札蘭額眞五札蘭額眞領以固山額眞每固山設左右梅勒額眞天命五年改牛衆額眞俱爲備禦官天聰八年定八旗官名總兵爲昂邦章京副將爲梅勒章京參將爲甲喇章京各分三等備禦爲牛衆章京旗長爲專達又定固山額眞行營馬兵爲阿禮哈超哈其後曰驍騎營巴雅哈喇營前哨兵爲噶布什賢超哈其後曰護軍及前鋒營駐防盛京兵爲守兵預備兵爲援兵各城寨兵爲守邊兵舊蒙古左右營爲左右翼漢兵爲烏眞超哈孔有德之天祐兵尙可喜之天助兵并入漢軍九年以所護察哈爾部衆及喀喇沁壯丁分爲蒙古八旗制與滿洲八旗同崇德二年分漢軍爲二旗置左右翼四年分爲四旗曰純皂曰皂鑲黃曰皂鑲

白曰皂鑲紅七年設漢軍八旗制與滿洲同

吾意清初之兵制決不如清代記載之複雜蓋當時本一部落幾乎舉國皆兵無兵與民之分故其勢極強及後國土既廣軍民分治而其勢漸弱陳寅恪師云清之八旗與遼金之紮軍有相似之處金代紮軍之制日人箭內互羽田亨藤田豐八及王靜安師均有文紀其事惟於清初之兵制則注意及之者尙鮮近日人浦廉一有關於漢軍烏真超哈一文此係研究清初軍制之初步尙須繼起探討者也又如清初流人編氓旗下流謫遼瀋如吳漢槎之流研究此項問題亦極有興趣

九清初之財政內藤博士曾有清國創業時代之財政一文惜未見蓋明代建州諸夷其致富之道在於貢市明廷給勅以防衛之其次則在於請賞明廷羈縻諸夷賞賜不菲建州諸酋得依賴之清太祖奴兒哈赤氏初則斬克五十頗得賞賜繼併有諸夷貢市集於一身洎與明廷反抗賞賜不及乃征服朝鮮勒其入貢並得交通互市此亦清初致財之一道凡此諸事散見諸籍若考而比之與清初史事極有關係者也

十清初與佛教之關係建州與蒙古比隣受蒙古佛教影響實多其滿洲字之製造

即由蒙古僧侶所爲明代袁崇煥之通遼問遣之使多遣喇嘛前往清代篤信佛教歷祀不廢大抵佛教之傳入先由蒙古而次及西藏其後清廷並信其教又爲懷遠之方策此皆有待研究者也

十一建州之風俗古昔所傳建州民俗楛矢良弓其俗善射若民初生以石壓頭故其面扁其說荒誕不經滿洲源流考早已否認其說惟其風俗若嚴從簡殊域周咨錄所記女直野人性剛而貪文面椎髻帽綴紅纓衣緣綵組惟袴不襟婦人帽綴珠珞衣綴銅鈴射山爲食暑則野居寒則室處其說亦頗與今之滿洲人衣冠相近若夫滿洲開國之傳說更有荒誕者如天女佛庫倫之說究從何處流傳日人今西龍朱蒙傳說及老獺雜傳說一文記朝鮮會寧一帶種種之傳說記其演變甚詳是可知天女之說卽由老獺雜之說蛻變而成又如滿洲祭堂子神之說有滿文祭神祭天典禮一書專記其事孟森清朝前紀謂堂子神即祭明將鄧佐征建州戰死建州人畏之故祭之云故其祭堂子神時跪時其像始展跪起則其像已捲矣或云爲一裸像或曰其像可畏故急捲之然此事皆與滿洲風俗有關是不可不研究者

十二清初史事詳於近而略於遠自太宗有實錄之作後世雖多修改然其事尙易

清史補 十五
明惟明初之建州之情狀僅馬文升撫安東夷記蒼上愚公東夷考略稍記其事餘則記載更鮮若景祖福滿之記載無聞固無論已即如叫場塔失之事清太祖與李成梁之關係叫場塔失死時太祖年究有幾何明代記載有謂年四五歲者有謂其年十六七者以時考之天啟六年太祖崩年已七十是當時年已及壯可知凡此諸事均有待新出史料亟爲補證者也

右舉明清史事問題大要旣明吾人更當注意者解決問題尤在史料清初史事旣如此之複雜而記載散佚其贖餘者又經後人刪改已失其真故欲掣治明清史事非先從整理史料入手不可故本文於敘清初史事之後次述清初之史料及史料所以必須整理之故於后茲先述清初史料可分四類

一 成於清初本身之手者

二 明代記建州之書

三 清人官修之書及近人著作

四 朝鮮人之記載及日本研究清初史事之著作

當時金石文字流傳於世者亦足參攷附於每篇之後茲綜而論之遼東諸族有文

字甚久若金之女真文間有碑碣流傳然識之者尠太祖立國初用蒙古文字至己亥年萬曆二十七年始創修文字據清實錄及清史額爾德尼傳太祖用蒙古字以製成滿文命額爾德尼巴克什及噶蓋札爾齊酌定之未幾噶蓋因事伏誅額爾德尼獨成其事頒行國中此即用蒙古字寫滿洲文所謂無圈點之老滿洲文至太宗天聰六年以舊文不易諳識乃命巴克什以初學所應讀之十二字頭加以圈點因無圈點之字母上下字互相雷同不易區別故書籍中普通語言以舊字綴成考察上下文義多不能通曉人名地名尤易錯誤因加以圈點以區別同形異音之字且於漢字音頒寫滿文者於十二字頭之尾添以變化以示區別是謂新滿洲字即今通行者是也

此滿洲字制成之後用以書寫文書日記簡冊及起居注諸文纂修實錄即今流傳之滿文實錄老檔是也其後並用滿文以譯漢文書籍天聰朝奏疏稿云卷上楊方興條陳時政疏云

一編修國史從古及今換了多少朝廷身雖往有名尙在以其有實錄故也書之當今謂之實錄傳之後世也謂之國史此最要之事我金國雖有榜什在書房中

日記皆係金字而無漢字皇上即爲金漢主豈所行之事止可令金人知不可令漢人知耶遼金元三史見在書房中俱是漢字漢文皇上何不倣而行之乞選實學博覽之儒公同榜什將金字翻成漢字使金漢書共傳使金漢人共知千萬世後知先漢創業之艱難皇上續統之勞苦凡仁心善政一開卷朗然誰敢埋沒也是清初用滿文以寫定實錄並以譯成漢文爲用極廣故實錄典章率有滿漢蒙文三本榜什即博士之意掌翰院之事者也奏疏稿卷下仇震條陳五事奏云

一曰譯書史簡明以便睿覽古來明聖帝王莫不勤好書史汗今好學將書史盡皆譯寫金國字樣誠天縱聰明堯舜再見但人君之學與衆人之學在章句者不同須得其精要古人云務博不如務約即中國宿儒亦皆選精要專用工夫況國天君機務甚多精神有限何能傍及煩史昔唐太宗集古今書史凡係君道國事者編爲一冊名曰君鑑日夜披覽成貞觀之盛治後世法之今汗宜選漢人通經史者二三人金人知字法者三四人將各經史通鑑擇其精要有裨君道者集爲一部日日講明則一句可包十句一章可並十章此舉約該博執要貫煩之法工夫極簡明便易聖心一覽便知道理如在目前五帝三王不能過也

由上可知並用滿文繙繹書史即今流傳滿文譯本之四子書及說部諸書是也惟吾人可疑者滿文記載史事之書僅有老檔中諸文而坊肆所發現者惟有文法字典說部諸書記載滿洲史事之書則爲數甚尠然說部語法諸書究有若干董而理之亦深有意思之事也

檔案文字之意已明其檔冊存貯之處有不可不研究者王先謙東華錄天聰十一年崇德十年三月條云

辛亥改文館爲內三院一名內國史院記注上起居詔令收藏御製文字凡用兵行政六部所理事宜外國所上章奏俱令編爲史冊並纂修歷代祖宗實錄擬郊天告廟祝文功臣誥命諸貝勒冊文一名內祕書院撰與外國書及上賜敕書並諭祭文錄各衙門奏疏及詞狀一名內弘文院注釋古今政事得失進講御前侍講皇子並教親王頒行制度

又大清會典事例卷十一云

天聰三年設文館於盛京十年改文館爲內三院曰內國史院內祕書院內宏文院順治二年以翰林官分隸三院稱內翰林院內祕書院內翰林宏文院十五年

改內三院爲內閣大學士俱改內閣銜十八年復改內閣爲內閣史院內祕書院
內宏文院裁翰林院康熙九年仍改內閣另設翰林院如舊制

自清入據北京內閣仍明舊制明代內閣之職掌據明史職官志凡上達之詔誥制
書冊文下達之題奏表講章書狀文冊揭帖皆審署申覆爲存貯檔冊之地其內閣
學士修實錄史志諸書則充總裁官會試充考試官殿試充讀卷官清代承明之舊
而地位較崇其權更重至順治康熙間纂修明史更搜輯明季史事東華錄載順治
五年諭內三院云

今纂修明史闕天啟四年七年實錄及崇禎元年以後事蹟著在內六部都察院
衙門在外督撫及都布按三司等衙門將所闕年分一應上下文移有關政事者
作速開送禮部轉送內院以備纂修

是明代史料亦集於內閣之中但內閣之制至雍正間設軍機處而權勢稍衰趙翼
曝簷雜記云

軍機處本內閣之分局國初承前明舊制機務出納悉關內閣如唐翰林學士掌
內之制雍正年間用兵西北兩路以內閣在太和門外慮泄事始設軍需房於隆

宗門內

至此內閣遂爲貯存檔冊之所及清宣統年間內閣大庫樓壞大學士張之洞奏請以大庫所藏書籍設學部圖書館即今之國立北平圖書館是也其舊檔則主銷焚幸上虞羅振玉氏時充學部參事以檔冊關係史事請於張氏罷免銷焚入民國後此項檔冊移於午門歷史博物館民國十四年因經費支絀隨將檔冊八千餘麻袋售於紙商同懋增以重造新紙所謂還魂紙者也後經羅氏發現乃以四千元獲得王靜安師爲作庫書樓記以記其事曾印行史料叢刊多爲清初罕見之籍其仍存於歷史博物館者蔡元培先生爲之請存於國立北京大學研究所國學門即今明清史料會所整理之檔案也上虞羅氏以此項檔冊轉鬻於江西李盛鐸木齋氏民國十八九年間吾師陳寅恪馬叔平先生請於當事以二萬元歸於國立中央研究院歷史語言研究所即今所印之明清史料是也吾友徐中舒爲內閣檔案之由來及其整理一文所記甚詳日人內藤博士清開國朝之史料一文言清初史事頗確此節即節取其意由上之文吾人於檔案內容可分爲三類

一清代未入關以前之檔案存於遼寧故宮博物館之崇謨閣即今崇謨閣之舊

檔

二清代入關後之檔案在內閣大庫以外尚保存於宮中者即今清故宮之檔冊
三內庫大庫散失後之檔冊流傳至北平圖書館上虞羅氏北京大學研究所中
央研究院今各處所整理之檔冊皆是

凡此皆清初史事之大略也清初之史事已明其檔冊之名辭有不可以注意者今
先言檔字之意官署案卷清初稱爲檔子內閣有滿漢檔字房楊賓柳邊紀略云

邊外文字多書於木往來傳遞者曰牌子以削木片若牌故也存貯年久者曰檔
案曰檔子不積累多貫皮條掛壁若檔故也然今文字之書於紙者亦呼曰牌子
檔子矣

文書之名辭足以辨年代之真僞識一時之風氣於研究史籍尤爲重要然此爲專
門之學非倉卒間可以解釋楨曾訪於楊雪橋先生鍾羲楊君熟於明清掌故之學
承其解答錄之於後

紅本 奏用白摺題本黃面紅裏故稱紅本

題 題本以別於奏本奏本直達御前題本由閱票籤多例行事件

揭帖 簡明說帖參劾曰揭參呈報曰揭報

塘報 隄塘送遞之報奏報呈報皆是

題行稿 行者行各衙門具題之件分行各該衙門

書簡 公事說帖

當時田賦上戶部者冊面黃紙名曰黃冊有司徵稅編徭則曰白冊清初記載時事預備修史者並有史書之名至清初關外地理沿革所用諸名辭如窩集滿洲語森林鬱茂中部族之謂甸子謂山岳地帶之平坦地域諾爾蒙古語湖水之意泡蒙古語池沼之意烏蘇蒙古語水之意凡此種種翻譯名詞似不可不研究者也

至於明代人對於建州之記載當以明十三朝實錄爲確其中天啟四年七年兩年之記載順治二年開修明史館時爲馮銓所盜竊又無崇禎一朝然其書按年記載而尙未被清廷之修改萬季野斯同之修明史最憑實錄泊夫邊事日急朝野憲談兵事凡奉使邊事者無不有著述若熊廷弼之按遼疏稿張鼐之寶日堂集孫承宗之督師紀略王在晉三朝遼事實錄邊事一時有一時代之不同讀此最可見當日之情勢其它在野之士亦喜爲兵事之談若明張一龍之武庫纂略蘇門山人郭滄

之東事書雖不無書生之見然一鱗一爪亦可以見當日之史事惟自乾隆間屢申禁書之令書多不傳今幸時異日遷燬禁之書稍稍間出以吾人所已見者其記建州事者依其性質可分爲三類

一專記建州史事之書若馬文升撫安東夷記蒼上愚公東夷考略天都山臣女直考等類是也

二記遼東之方志若遼東志全遼志等類是也

三籌遼方策之書若程開祜之籌遼碩畫喻龍德之秘書兵衡張一龍之武庫纂略等書是也

其他若李清記斬毛文龍始末錢謙益之孫高陽行狀等類可以見一人或一域之情勢若夫明代之著述兼記遼東事者若何喬遠之名山藏嚴從簡之殊域周咨錄等書若能別而出之則明代對於遼東史事之真相大略可見矣若清代官修之書則在脩改舊事滅沒史蹟即如清初太祖太宗世祖實錄爲史事之最確者然太祖實錄始修於天聰十年日人內籐博士謂崇謨閣之太祖實錄圖即最初之本未知確否但觀故宮博物院所藏之實錄一修於康熙二十五年再修於乾隆四年其後

歷朝遞有修改其事實已全失其真至若清乾隆間所纂之皇清開國方略滿洲源流考王先謙東華錄依一改再改之實錄而鋪張揚厲之則去事實更遠矣至若朝鮮與建州爲毗隣自太宗征服朝鮮之後朝鮮嘗遣子入朝今流傳有瀋陽日記瀋陽狀啟諸書清初史事不彰者尙可於朝鮮載記中見之自民國改元人士乃稍稍研究清初史事若近人章炳麟之清建國別記孟森之清朝前紀此其瑩瑩大者海東日本亦喜研治其事若滿鮮歷史地理研究報告滿蒙叢書記載清初史事尤詳其治滿洲史事者若內籐虎次郎稻葉岩古今西龍有高巖鴛淵一諸君均有文以記其事此吾國人所不可不注意者也

右旣舉清開國史料之大凡然吾所以謂肇治明清史事必須整理史料者其故因清代官修之書屢次修改事實全非其修改重要之點一在脔改舊文二在沒滅史蹟茲先就脔改舊文處言之

一實錄歷次之修改日人內籐博士清開國朝之史料云

凡言中國之史料正確官修之記錄無論何朝當以實錄爲第一但實錄之性質往往本朝之臣子記錄本朝之事故有關避諱之事記載不詳者頗多如宋朝政

治上黨派之激爭與明朝帝系之障礙此事實錄多有修改可信之程度甚低因此清朝之實錄究竟有幾分可以相信不可不先加考慮就此實錄言之有必須注意者清三朝實錄寫本實已早傳於日本即清太祖太宗世祖三朝是也此三朝實錄文化四年邨山芝塢永根水齋二人抄錄成書名清三朝實錄採要十六卷出板行世一時中國遊日者因本國實錄不易獲見頗喜採購其書此種實錄採要尙有簡略抄本即大清三朝事略二卷刊行於寬正十一年反在採要本之前留傳日本之實錄與北京奉天所藏之實錄是否一樣尙不可知吾之所以發此疑問蓋以現在通行之蔣良驥之東華錄與王先謙之東華錄均係由實錄抄錄而記事體裁與傳抄本頗有不同之處例如滿洲蒙古所用之名字傳抄本實錄與東華錄多有不同如官名與人名並記之時照滿洲書法人名在上官名在下如博而晉蝦博而晉人名蝦乃官名侍衛之義然東華錄則作侍衛博而晉剖此疑問所得之結果傳鈔本之實錄乃鈔之康熙年間之纂修本東華錄所根據之實錄乃乾隆後所修改者其故因清太祖之謚法傳鈔本作太祖承天廣運聖德神功肇紀立極仁孝睿武弘文定業高皇帝乃康熙年所改定其後雍正元年

於睿武弘文間加端毅二字乾隆元年又端毅下加欽安二字此考查之結果清
朝之實錄有一部分已經修改傳鈔本實錄乃最初之記錄比官修本較爲質實
右言實錄之修改及謚法遞次之加增書官爵例由滿洲之俗而漸變爲漢俗已失
本來面目

二刪改舊文徵諸檔冊建會對於明廷本極恭順有金國汗諭軍人等知悉我祖宗
以來與大明看邊忠順有年等語又朝鮮國觀察朴化報太祖書稱太祖爲建州衛

馬法

馬法卽女真語酋長之意

又言大明爲君吾二國爲臣後皆刪去清太祖實錄稿本其七大恨誓

師之文其原本極馴順尙不敢有叛明之辭凡三加改定始成今通行七大恨誓
師之文又平定朝鮮三田渡紀功碑其首句爲以壤和自我始赫然一怒以武臨之
頃見北平圖書館藏清太宗實錄殘本改爲以我實始敗和赫然一怒以武臨之金
石文字尙可更改則舊文被刪改者多矣設無檔冊發現則安知清初改竄舊文狡
猾之計哉

三粉飾事實據日人內籐博士清開國期史料一文清太祖之妃大福晉賜死一事
似於太祖之子爭立有關實錄本紀其事而修改之本則無又如太宗之嗣位將帥

之擁立世祖諸事其內政頗不能和穆朝鮮記載曾紀其事而實錄反無至於人名官名其初則質野無文至修改之書則一歸於雅馴如獐鷹改作章京猛哥帖木兒改作孟特穆之類是也

所謂沒滅史蹟者有三

一明廷征服遼東北至黑龍江庫頁島諸地爲自唐征服遼東以後武功僅有之事明史則云明代疆界僅北及開原鐵嶺清光緒間曹廷杰發現明永樂間奴兒干永寧寺碑而後知明代邊疆遠及塞北荒寒之地而明人記載如彭孫貽山中聞見錄等書亦記其事使無此記載則後人將不知明代武功之遠及索倫諸部矣

二建州之名載在明人著述彰彰可考乃明史地理志不記建州之名列傳亦不記其事如馬文升之撫安東諸夷董山之叛本傳記之極略使無撫安東夷記一書則明初建州之情勢將更益暗然至李成梁之築寬奠六堡幸明史李成梁張學顏傳少記其事其他若畢恭之築邊牆事爲明史所無此皆有待於野史之補證者也

三清初史事至乾隆以後惡其不文頗多避諱如滿洲國號在關外時本無此名徵諸史冊歷歷可考至入關以後凡有金國汗之名悉改爲滿洲然舊存檔冊不可掩

也又如順治之稱多爾袞爲皇父後世亦多諱之其他若其先世服從明代之事及其族中爭立之蹟非徵諸檔冊及朝鮮人記載何以能知其事至康熙以後清廷所諱之事尤繁此不可不研究者也

餘若明史非全不載建州史事如李成梁張學顏記遼事甚詳王鞠傳并記指揮孫璟參將遼東追敵三百里事李秉爲名將於清初史事時一露出但糺糊其辭使人不可捉摸熊廷弼袁崇煥孫承宗諸人明史事實率多缺落如孫承宗之傳與錢謙益所撰之孫高陽年譜相較則簡略實多故明人記載可以補證明史者不少若馬文升撫安東夷記葉向高之女直考記明初建州之事極詳王在晉三朝遼事實錄記遼事之建置頗明哲上愚公之東夷攷略海濱野史建州私志記遼事始末最確張鼐之遼夷略記兀良哈三衛部族最晰何喬遠名山藏王享記記衛所之名獨備嚴從簡之殊域周咨錄記建州之風俗鄭文彬之籌邊纂議記阿哈出之內附程開祐之籌遼碩畫記籌遼之奏疏之始末然而當時野史鈔綴成文襲人之說或存心謾罵羌無故事者亦所在多有蓋考訂史料之事在於排比舊說去其重複考其源流列爲長編或攷訂舊事創爲新史史料既富則真相自明加以斷制則頭續不

紛如其故為創見不如信而闕疑至於審定史事辨別真偽是在讀者而已民國十
九年大除夕草成二十二年大暑重改定於國立北平圖書館

清開國史料考叙論訂補編

且冀闡其精

則共信其詳

26

之補遺者也

中華民國廿九年拾月廿八日收到

字

無以對